

	14668	
	III	P

f. 30.



Freuwo pol. 7762. br.

80 and

8200

1890. III. 183.

SINCERA
EXPOSITIO

SUSCEPTÆ ANNO HOC
MDCCXIX. A QVIBUSDAM EXER-
CITUS REGNI POLONICI COPIIS
IN BONIS CIVITATIS GEDANEN-
SIS PATRIMONIALIBUS EXECU-
TIONIS, HUIC PRÆTEXTARUM
CAUSARUM, ET QVÆ AD 9^{am}
USQVE APRILIS EJUSDEM ANNI
SUBSECUTA SUNT.

GEDANI,
Typis JOHANNIS ZACHARIÆ STOLLII,
SENATUS ET ATHENÆI TYPORGAPHI.

OPUS



SINGERA

EXPOSITIO

SUSCEPTAE ANNO HOC

MDCCLX. A QUIBUSDAM EXER-

CITIS REGNI POLONICI COPIS

IN BONIS CIVITATIS GEDANEN-

SIS PATRIMONIIS EXECU-

TIONIS, HUIUS PRÆTEXTARUM

CAUSARUM, ET QVÆ AD Q^{um}

USQUE APRILIS EIUDEM ANNI

SUBSECUTA SUNT.

1468. III.

GEDANI.

Typis JOHANNIS ZACHARIE STOLLII.
SENATUS ET ATHENÆI TYRORATHI.





Cooperat die 15^{ta}. Martii anni
præsentis 1719. terminus, à quo intra
tres hebdomadas vigore Comitiorum
Generalium Varlaviensium Anni 1717.
militi Polono, pro securitate Regni con-
tra intestinos quosvis & externos insultus tuendâ assumpto,
stipendia solvenda sunt. Horum Repartitio ita quidem
constituta erat, ut ipso statim initio per catastum, seu,
ut vocant, Tariffam percepti in quolibet Polonici Re-
gni & M. D. L. Districtu Anno 1676. subsidii persona-
lis fundamenti loco substratam, non tantum Provinciæ
Prussiæ subsidii hujusce Tariffa destitutæ, universim re-
spectu aliorum, nimium onus nongentorum viginti no-
vem supra centum quinquaginta quinque millia florenorum
Monetæ Pruthenicæ in singula semestria impositum, sed
& inprimis Civitas Gedanensis, cui, justâ eandem inter
cæteraq; Provinciæ Illius membra proportionem omnino
neglectâ, Summa quartam dictarum pecuniarum par-
tem excedens assignata erat, plurimum gravata esset.
Adhæc quum integra Re- & Subrepartitio neque
in Ordinario Generali Terrarum Prussiæ Conventu neq;
salutatâ hoc nomine Civitate aut prævio ejusdem con-
sensu, sed tantum à paucis Provinciæ Constatibus esset
condita, Civitas quod ad eandem absolute stringi non
posset, gravissimas allegare poterat rationes, cum ex Juri-
bus communibus Provinciæ, tum ex propriis prærogati-
vis petitas. Neq; etiam effluxerat sexennium illud, intra
quod vigore Laudi Terrarum Prussiæ Anni 1713. men-
sis Maji diei 22, juxta ac specialis conditionis, quâ tanta
Contributionum vis tunc temporis steterat, novis Con-

tributionibus locus minime erat relinquendus. Attamen Civitas Gedanensis intuitu salutaris, qui universo negotio præfixus credi debuit, Scopî, & ex singulari amore, quo in publica magis quàm in domestica constanter fertur commoda, quantumvis diuturni belli mole, funestisque admodum ejusdem fructibus attritisima, & hac vice ad fati acerbicatem silere, & quemadmodum Illustrissimo cuidam Regni & Provinciæ Prussiæ Senatori in colloquiis super hac re cum Civitate institutis dicere placuit, *calicem hunc*, amarissimum licet, *bibere* maluit, ac omnium unica esse, quæ humeros quantumvis infirmisimos tanto oneri subtraheret. Proinde statim supradicto An. 1717. ante primum terminum solutionis certis Legionibus Polonicis sibi assignatis faciendæ declarabat, se Summam triginta & novem millium florenorum monetæ Pruthenicæ, quovis semestri exsoluturam. Cui etiam hætenus, prout quietationes desuper acceptæ testantur, statò tempore plenissimè satisfecit.

In iisdem occupata erat ea Civitas, incidente termino supra memorato mensis Martii hujus anni, adeò, ut ante elapsum dictum trium hebdomadarum spatium portio quædam pecuniarum illarum pro Legione tormentaria Illustrissimi & Excellentissimi Domini Palatini Culmensis jam esset soluta, atque reliqua in paratis haberentur, iis, qui pecunias hæc accipere debebant, extradenda. Fovebat quippe Civitas fiduciam, hac sua promptitudine effectum iri, ut dicti Illustrissimi Domini Palatini erga se eò magis firmaretur affectus, atq; à copiis, ad quarum stipendia tantam ipsamet conferebat opem, certius, quàm hætenus factum erat, vel etiam præteritorum temporum hanc

ratio admiserat, præsidium expectari posset. Verùm hanc fiduciam in præsentī pariter ac olim fefellisse, Civitas experiri debuit, summo cum stupore percipere coacta, binas Cohortes earundem Legionum Polonicarum, quarum Stipendiis accurata Solutione juvandis adeò sollicitam impenderat operam, secunda Aprilis Anni huius die, quæ erat Dominica Palmarum, Bona Gedanensia Patrimonialia, nulla prorsus significatione præmissâ, ingressas esse, ibidemq; hospitia sibi constituisse.

Sequenti Die Centurio quidam Copiarum Exercitus Regni Dn. Trustedt Nobilissimum Dominum Præ-Consulem Præsidem Civitatis accedens indicabat, ad supra dicti Illustrissimi Excellentissimiq; Domini Palatini Culmensis mandatum hæc suscepta fuisse, eo fine, ut, quemadmodum tum assererat, vigore Decreti in Tribunali Radomiensi contra Gedanensem Civitatem lati, Accisæ Anni 1712, Trimestria, vel ut loqui amant, *Quartualia Krasnostarviensia*, & Prætensiones Jablonovianæ, adhibita Executione militari conquirentur, nisi Civitas indilatam horum omnium appromitteret solutionem. Neq; vero universæ, neq; cuiuslibet distinctæ prætensionis certam definire sciebat Summam, ad illa simpliciter sese referens, quæ allegato Decreto, quod tamen non nisi binas posteriores istarum prætensionum respicit, continerentur. Idem Centurio comminando addebat, nisi prompta requisitioni responderet satisfactio, binis Cohortibus in Civitatis territorio existentibus, alias binas, relicto Thorunio versùs

B

Geda,

Gedanum iter dirigentes, junctum, atque ductu Domini Baronis à Rietesel, Colonelli, integra Legione auctum iri.

Nullas quidem Magistratus Civitatis Gedanensis prætermisit remonstrationes, quibus Centurio dictus commoveretur, ut binas illas, quibus præerat, Cohortes sine mora ex Territorio Civitatis retraheret, atque ea vitaret, quæ ex naturali & inevitabili defensione à Civitate contra invasionem istiusmodi inopinatam, quæ nullo Juris colore coram neutrarum partium addictis palliaretur, suscipiendâ consequi possent, & de quorum eventu illi, qui occasionem huic rei dedissent, responsuri forent. Ipse vero constanter allegato mandato, cujus limites excedere non posset, excitatam sollicitudinem adaugere studebat, asserendo, ad alias quoque Exercitus Regni copias mandata expedita esse, breviq;e plures quam ter mille armatos in Territorium Gedanense adventuros.

Nihilo secius Civitas id agere pergebat, ut stipendia Legionibus Polonicis, quæ eadem accipere siveverant, solveret atq; parata servaret, tametsi plures ex iis copias addidissent Civitati jam negotium facessentes. Non poterant tamen Civitatis Ordines pro officio suo & Juris jurandi religione seria non circumspicere media, tum demum adhibenda, cum neq; preces neq; amica monita proficerent, ne scilicet Hebdomas Passionis Servatoris Sanctissimi recolendæ Sacra alius cujusdam domesticæ ærumnæ consideratione interPELLARETUR, atque Paschalis Festi tranquillitas in periculum adduceretur. Et certè nec à privato quopiam Jure postulari posset, ut iniquiter intra propriam domum turbatus, Stoica quadam indolentia merum ageret spectatorem. Ordines verò Civitatis

tatis ad talia consilia suscipienda eò magis incitabantur, cum perciperent, Dominum Colonellum à Rietesfel cum quatuor novis Cohortibus in Territorium Gedanense advenisse, easdemq; pro lubitu repartitum esse. Antequam tamen ad extrema accederetur, experiri studebant, an major in Ipso esset autoritas & propensio justissimis Civitatis remonstrationibus deferendi. Proinde Civitas, ablegato ad Eundem Secretario maximoperè urgebat, ut Bona Patrimonialia, sic satis misera & exhausta, Copiis suis quantocyùs liberaret, humanissimâ declaratione adjectâ, se statim post festos dies paratam fore ad conferendum super adductis prætensionibus cum Illustrissimo Excellentissimoq; Domino Palatino Culmensi, atque ad negotium hocce ad Juris & Æquitatis normam amicè componendum. Sed Dominus Colonellus à Rietesfel parem cum Domino Centurione Trustedt excusationem allegans, ad monita de necessitate defensionis, quæ Civitati, utut maximè invitæ, tempore hoc, si unquam aliud inopportuno, imposita foret, respondebat, se quibuscunque modis mansionem suam tuiturum.

Die Aprilis 7.^{na} quæ erat *Parasceves*, Centurio Polonus Dominus Zlotnicki Gedanum veniebat, literas afferens ab Illustrissimo Excellentissimoque Domino Palatino Culmensi, die 4.^{ta} Mensis ejusdem Lepincii scriptas, quæ inter alia referebant, Centurioni dicto mentem Illustrissimæ Suæ Excellentiae plenissimè expositam, eundemq; omnimodâ potestate munitum esse, prædictæ Illustrissimæ Excellentiae nomine cum Civitate super prætensionibus, quarum causa Executio in bonis ejusdem Patrimonialibus suscepta esset, transigendi, modò Civitas ipsa promptitudine sua occurreret, atque gravio-

ra, quæ aliàs contra eandem instarent, averteret. Ille desideria sua unà cum exemplis quibusdam authenticis Mandatorum, Decretique Radomiensis, pro Justificatione eorundem productis, in scripto per singula puncta exhibebat: Quæ omnia eo tendebant, ut vigore modò allegati Decreti Civitas Gedanensis

1. *Cùm post Comitata Generalia Lublinensia vi Repartitionis & Liquidationis Lucensis & Leopoliensis Tribunalis, in Congressu Novensi, mediante Conventione quatuor centena florenorum Millia Provinciæ Prussiæ imposita fuerint, assignatam pro Legionibus Polonicis sibi, Civitati, Summam 150000. fl. solveret,*
2. *Prætensioni Dominorum Jablonoviorum vigore Impositionis Polonicæ (ut verba habent) & Assignmentis, Summâ 100000. fl. satisfaceret,*
3. *Cùm Anno. 1713. communis Contributio & Accisa, quæ intra Sexennium curreret, indicta, atque pro Saxonis & Exercitûs Regni Copiis conjunctim 480000. flor. assignata, à Civitate Gedanensi verò tantummodo defuncto Domino Bliwernitz, Commissario Bellico, pro Legionibus Saxonis 137143. flor. & Legionibus Exercitûs Regni 262857. florenorum soluta sint, indeque Civitas Illustrissimorum & Excellentissimorum Dominorum Supremi Exercituum Regni Ducis & Palatini Culmensis Legionibus adhuc 80000. fl. debeat, eadem pariter ac*
4. *Ex Assignmente Trimestrium vulgò Quartualium Krasnostaviensium provenientem*
Sum.

Summam 75000. flor. adeoque in universum quinque supra quatuor centena florenorum Pruthenicorum Millia solveret, atque cathegoricè declararet, quando integram Summam exhibitura esset, nam impetrandæ dilationis nullam spem esse reliquam.

Non intermisit Civitatis Gedanensis Magistratus eadem apud Centurionem hunc interponere remonstrationes & sollicitationes, quibus permovere studuerat antememoratos Polonicarum Copiarum Præfectos, ut eductis ex territorio Copiis, isti post festos usque dies spatium indulgerent. Neque sine ratione credebatur fore, ut, quandoquidem Centurio ille vigore allatarum literarum omnimodam ab Illustrissimo Excellentissimoque Domino Palatino Culmensi acceperat potestatem, negotium jam feliciter succederet: Verùm exitus huic expectationi minus quàm anteriori experientiæ respondit.

Cùm genuina hujus rei indoles multis nondum satis sit perspecta, atq; alios præconceptæ opiniones impedire hætenus potuerint, quo minus eam rectè expenderint, ad accuratius examen eadem revocari utique meretur, antequam in recensione eorum, quæ subsecuta sunt, pergatur.

Integra quadruplicis hujus prætensionis moles unico, uti suprà notatum est, *Decretorum Radomensis Tribunalis* fundamento superstruitur. Civitas Gedanensis Illustrissimum hocce Tribunal, singulaq; Ejusdem membra omni, qua par est, veneratione prosequitur; sed *Domini Judicisque Sui* locum ei ut tribuat, nec antiquissima Jura, nec Jurisjurandi religio & conscientia permit-

C

tunt

tunt. Neque Civitati præjudicio esse potest, quòd omnes Regni Polonici incolæ Eidem Tribunali se subjiciant, atque Ordo Equestris Pruthenicus Decreta Ejusdem recipiat. Illorum enim longè alia ratio est ac Civitatis. Licuisset Ordini Equestri Prussiæ fartas tectas habere Majorum suorum immunitates & prærogativas, iisq; etiamnum æquè ac dictarum Terrarum Civitates, quæ easdem sibi constanter servârunt, gaudere, nisi prætulisset consilium sponte suâ iisdem renunciandi, Tribunalia Regni, quibus primùm subjectus non erat, agnoscendi, atq; Jura Provinciæ suæ planè singularia, quæ ut reliqua perpetuum salva & integra, cùm ad Regni Poloniæ corpus accederet, sibi Prussia universa stipulata fuerat, Juribus Polonicis, multâ & notabili ex parte dissonis, commiscendi. In succincta illâ publicorum Instrumentorum *Immunitatem Civitatum Prussiæ à Jurisdictione Judiciorum Tribunalitiorum Regni Poloniæ &c.* asserentium Collectione, quæ superiore anno typis excusa est, ejusq; Præfatione, expositum fuit, quâ ratione Ordo Equestris Pruthenicus *Judiciis Tribunalitiis* obnoxius factus sit. Ubi scilicet septimo demum post fundata illa Judicia anno, Ordini huic Equestri Tribunal Polonicum amplecti libuit, quantumvis Divus Rex Stephanus Bathoreus atq; Respublica libero Ejusdem arbitrio reliquisset, an Immunitatibus suis avitis inhærere & à solâ Regiâ Majestate, an verò à Tribunali recens fundato judicari mallet: adeò, ut cum ultimum jam elegisset, post biennium adhuc per Constitutionem Comitalem Eidem regressus ad pristina Jura & Judicia reservatus fuerit. In eodem Scripto quoq; recensitum fuit, *Civitates Prussiæ* exemplum hocce minimè secutas, sed Juribus & Immunitatibus

tibus suis antiquis immotas instituisse, præter *Serenissimos Poloniae Reges* nullum in hoc Orbe *Dominum* aut *Judicem*, præter Horum Regia, ut vocantur, *Relationum & Assessorialia Judicia*, alia nulla agnolcentes. Quæ prærogativa ipsis, ex quo Equestris Ordo Pruthenicus, prouti dictum, hac in parte ab iisdem secesserat, atque ad Tribunalia Regni se receperat, tot Regiis Declarationibus & Decretis, juxta ac universæ Poviinciæ Prusiæ in Conventibus Generalibus sancitis Laudis, Instructionibus, Responsis, Attestationibus, aliisq; Instrumentis publicis, conservata fuit & asserta. Quæ cum supra allegato loco uberius exhibeantur, hic recensere superfluum foret. Imo in novissimis Grodnensibus Comitibus Generalibus Anni 1718. plures Illustrissimi Regni Proceres & inprimis Illustrissimus Excellentissimusque Dominus *Supremus Regni Cancellarius*, Legum & Jurium, uti scientissimus, ita vi sublimis Sui Muneris Custos celeberrimus, Voce publica monuere, quod *Civitates Prusiæ ad Tribunalia & Castra trahi minimè conveniret*. Unde liquidissimè patebit omnibus, quam invalidi planè Juris adversus Civitatem Gedanensem prætextus sit, qui ex alio quàm Tribunalitii Polonici Decreti fonte hauriri non potuit. De modo autem, quo contra eandem procescit Radomiense Tribunal, hoc tantum memorasse liceat, quod nunquam audita fuerit Civitas, quodque, certissimo indicio, parçè latis causam, cujus rea facta est, examinatam esse, Ipsius Jablonovianæ Prætensionis essentia adeò fuerit ignorata, ut, cum illa postulationem certi *Subsidii Personalis* à Civitate recepti respiciat, ejus loco de *Accisis*, quas

Civitas intra tempus Cursus earum in usus suos convertisset, actio formata sit & sententia. Æquitas omnis & æquanimitas, quam Conclusio hujusce Decreti Civitati testatur, hæc est, quod contravenire & remiti ausura pro Rebelli ac infami reputari debeat. Certè acerbius & abjectius vilissimus quisque pagus, nullis in Rempublicam inque Status & Incolas Ejusdem meritis notus, an tractari possit, dubium est. Hæc agendi ratio si suffecerit, brevi Civitatem Gedanensem omnibus, quæ habet, sub specie rei judicatæ exutam videbimus, nec erit jam ulterius in eâdem cuipiam segura rerum suarum possessio. Verum adhuc plenius elucescet Jurium, ad quæ hinc Gedanensis Civitas, inde Pars adversa provocat, discrimen, cum enumeratæ supra quatuor illæ prætensiones propiori examini sigillatim submittentur.

Prima Prætentio Summam quandam respicit, quam à Civitate vigore Lucensium, Leopoliensium & Novensium Repartitionum, Liquidationum & Conventionum Militi Regni deberi asseritur.

Inficiandum non est, ab Anno 1703. quo Comitia Regni Generalia Lublinensia celebrata fuerunt, plures in Provincia Prussia & extra Eam à quibusdam Ejusdem Membris sine communi Statuum scitu, consensu, Instructione & Plenipotencia, aliis quoque ex Regno Poloniae subinde in Societatem adscitis, institutos fuisse privatos congressus, in quibus, ut postmodum patuit, modo hæc modo illa Repartitio & Liquidatio formata, atque deinceps universæ Provinciæ imposita fuit. Tales vero agendi modos nullâ prorsus obligatione stringere posse eos, qui cum cæteris eodem suffragii jure gauden.

gaudentes istis minimè consensere, quilibet Cardinalium
hujus Provinciæ Jurium non omnino rudis fatebitur. Si
Provincia eadem contributiones à Polona Republica in
Comitiis Regni Generalibus sancitas, antequam in ordi-
nario Generali Conventu consensus Ejusdem accessit,
solvere tenuit, uti Jus talia renuendi ipsi competere sæ-
pius luculentissimè demonstratum fuit; potiori certè ra-
tione recusabit, quæ modo præfato à *Paucis solum Suo-
rum Fratrum & Sociorum ex propria & indebitè arro-
gata authoritate* conclusa fuere. Quæ Ejus hac de re
sit Sententia, omnium optimè constabit sicubi commu-
nia publicaue Illius Lauda particularibus atque secretò
formatis Conclusis opponere lubeat. Priora enim po-
sterioribus præferenda esse, quilibet cordatus Provinciæ
Pruthenæ Civis agnoscat. Inter plura verò alia Docu-
menta, Lauda Conventuum Generalium Anno 1712.
die 5^{ta} Aprilis Graudenti & Anno 1713. die 22^{da} Maji
Mariæburgi celebratorum, in calce Scripti hujus sub
No. 1. 2. & 3. addita, (quorum ut novissimorum recen- No. 1. 2. 3.
tior memoria erit) testantur sufficientissimè, quanto
zelo Provincia Prussia Contributiones sine universorum
Statuum & Ordinum Scitu & Consensu Terris atque
Civitatibus impositas pasimque exactas improbaverit,
atque contra easdem indemnitati suæ consuluerit, adeò
ut Summarum hac ratione extortarum restitutionem
sibi reservaret, atque universis Illustrissimis atq;
Excellentissimis Dominis Palatinis Suis seriò
committeret, ut illos qui *Assignationum à quopiam alio,
quam ab Illustrissimo Domino Thesaurario
Terrarum Prusiæ, vel ab Illo quoque de Contri-*
butioni-

butionibus aliis, præterquam in Conventu Generali laudatis, atque jam collectis extraditarum Exsecutionem præsumpserint, motâ etiam Nobilitate Pruthenicâ coercent atque reprimereut. Verba Laudorum horum tam perspicua sunt, ut neque ulteriori indigeant explicatione, neque ulli effugio locum relinquant. An vero Repartitiones & Assignationes extra Prusiam in Lucensi & Leopoliensi Tribunâlibus factæ pro talibus, quales, ut in Prussia valeant, in allegatis Laudis requiruntur, censendæ sint, illi ipsi respondeant, qui meliora adductis quæ primum hoc punctum contra Civitatem in medium afferre nesciverunt. Conventio Novensis, intra Prusiam licet forte conclusa, ad quam isti provocant, cum iisdem defectibus, quos cum cæteris communes habet, laborat, tum propius inspecto Laudo Anni 1712. sub No. 2. allegato, protinus patebit quo loco itidem ab universis Provinciæ Prusiæ Statibus fuerit habita.

Quæcunque tandem horum omnium esse posset ratio, expressa tamen litera Provincialis Laudi Anni No. 4. 1713. sub No. 4. Gedanensi Civitati adeò favet, ut ratione omnium & singularum Contributionum, quæ usque ad modò dictum annum ab aliis in Provincia exactæ & solutæ sunt, contra Civitatem nulla prorsus formari amplius queat Prætensio. De eo qui dubitat, sequentia tantum Laudi allegati verba respiciat: *Civitatem Gedanensem de omnibus omnino prætensionibus, quæ ratione pecuniarum, ab aliis Provinciæ incolis, pro Exercitûs Regni Stipendiis, sive præenumerationis, sive alio quocunque titulo vel modo, Hucusquè solutarum, adversus ipsam excogitari possent, plenissimè liberamus & quietamus.* Quodsi igitur Civitas Gedanensis ab
omni-

omnibus Contributionibus, quæ ad diem usque vigesimam secundam Maij Anni 1713. intuitu Stipendiorum Militi Regni debitorum exactæ & ex Provincia collectæ fuere, libera prorsus pronunciata est, quemadmodum ex modo dicto Laudo patet: Quodsi Summa 150000. florenorum, quæ adhuc à Civitate solvenda prætenditur, ut pars Summæ 400000. florenorum, in Tribunalibus & Congressibus primo hoc puncto nominatis, Provinciæ Prusiæ impositæ, considerari debet, uti idem hocce punctum prætendit: Quodsi denique hæc Tribunalia atque hi Congressus Annum 1713^{um} præcesserunt, pro ut neminem nisi in historia Terrarum harum plane hospitem fugere potest: necessario sequitur, Apocham, seu Quietantiam adeò absolutam, ad hanc quoque 150000. florenorum Summam extendi debere. Nequè verò arbitrandum est, Civitati inde aliquid comodi accessisse, vel insigne quoddam exhibitum fuisse beneficium. Ingressus quippe prædicti Laudi sub No. 4. non obscure innuit, quomodo res hæc fuerit confecta, satisque apparet, Civitati, utut æquisimas tunc temporis allegasset rationes, nihil remissum fuisse, sed eandem, pro evitando majori in futurum præjudicio, ne scilicet præteritarum illegitimarum & ex parte violentarum exactionum ini-ret compensationem, pretiosius multo ac quidem illa 150000. florenorum prætensio inferre poterat, onus nomine *Doni Gratuiti* in se suscepisse. Etenim præter Octoginta septem Accisas, in quas singulæ Provinciæ Pruthenæ Civitates, adeoque & Gedanensis Civitas consenserant, hæc ipsa Centum & Octodecim Accisas sibi imponi passa fuit. Quarum Accisarum proventus multo majorem pecuniæ vim efficit, ac prætensionis istius su-

pra memoratae Summa. Eo verò tempore, quo inter Status reliquos atq; Civitatem tot tamq; diuturnæ instituebantur deliberationes, antequam inter utramque partem conveniret, omnes hæ Contributiones, imò plures, quæ à Civitate eo prætextu, quod aliis in Provinciâ eadem ferendæ fuissent, postulabantur, & ore & Scriptis expressæ fuerant, earumque exactus satis calculus subductus fuit, ut proinde utrique parti plenissimè constiterit, super quo tractatum & conventum esset.

Quodsi Exercitui Regni vel aliqua tantum Juris plura postulandi relictæ fuisset Species, eandem ii, qui cum Ejusdem, tum propria intuitu Legionum Regni sibi concreditarum Commoda procurantes, Consultationibus hisce adfuerunt, allegare minimè intermisissent. Neq; hi Apocham, vel ut vocant, Quietationem adeo generalem, omnes & singulas prætensiones abolentem formari, Sigilloque Terrarum Prusiae muniri permisissent. Quorum omnium Illustrissimo & Excellentissimo Domino Palatino Culmensi recens adhuc sine dubio erit memoria, qui iisdem collationibus præfatis pariter interfuit, atque tum ut Generalis Locum tenens solutionem Stipendiorum Militis Regni gloriosa cum sollicitudine promovit. Quod denique Ipsi Illustrissimo & Excellentissimo Domino Supremo Exercituum Regni Duci, per ea omnia, quæ in Conventu hoc Generali Mariæburgensi Anni 1713. in rem Militis Regni conclusa sunt, & imprimis, quæ Civitas Gedanensis ad eadem contulit, fuerit satisfactum, ex literis Illustrissimæ Ejusdem Excellentiae Olosiscii die 21. Junii ejusdem Anni 1713. Gedanum expeditis haud obscure intelligi-

telligitur. Ex quibus sequentia tantum verba ex Gallico Idiomate translata apponere lubet: *Perquam gratum, inquit, mihi est cognoscere, Generalem Prusiae Conventum eo successu finitum, ut Exercitus Regni Commodis insimul fuerit prospectum, Civitatemque Gedanensem ex parte sua eidem negotio sollicitam impendisse operam. Fidem dolubens me circumspecturum quamvis occasionem quâ Civitatem Vestram devincire, Ejusdemque commoda tueri poterò, atque omnium, quæ ad illam spectant, decentem rationem habiturum, ut bonâ istâ consensione cuncti fruantur. &c. &c.* Quod

2. *Ad Prætensionem Illustrissimorum Dominorum Jablonoviorum,* quæ jam examinanda venit, attinet, exactius antea rescire juvaret, an, quod hactenus universim fere obtendi voluit, Subsidium Personale intelligant, Anno 1700. die 7^{ma} Decembris in Conventu Generali Mariæburgensi ab Ordine Equestri, à Majoribus verò Civitatibus, quarum Internuntii illud tantum ad referendum Principalibus suis sumpserant, post annum circiter ex liberâ voluntate receptum: An vero prætentio hæc adhuc aliud quidpiam involvat. Quod nomine Illustrissimi Excellentissimique Domini Palatini Culmensis per Dn. Centurionem Zlotnicki Civitati Gedanensi exhibitum fuit Scriptum, simpliciter ad Polonicam, ut eam appellat, Impositionem & Assignationem sese refert. Si hoc ipso nihil aliud quàm Radomensis Tribunalis Decreta intelliguntur, binæ erunt Assignationes à Thesauro Prusiae in usum piè defuncti Illustrissimi Excellentissimique Domini Jablonovii, Castellani Cracoviensis ad Civitatem Gedanensem directæ,
E qua-

quarum altera undecimâ Junii die, Anno 1701. data 240000. floren. monetæ Pruthenicæ, altera die septima Martii Anni 1702. data 31000. monetæ ejusdem floren. continet. In priori triplicis Subsidii Personalis fit mentio, eâ tamen ratione, ut si illud non sufficeret, eidem Contributionum in supra dicto Conventu Generali Anni 1700. Laudatarum subveniret Cursus. Posterior vero in universum ad omnia in Conventu Eodem Generali conclusarum Contributionum genera extenditur. Ut Illustrissimis Dominis Præsentibus demonstratur, Civitati Gedanensi nunquam fuisse vel etiamnum esse animum injuriam lisdem, quæcunque fuerit, inferendi, cuncta quæ hoc in negotio considerata veniunt, particulatim pertractare non pigebit.

In sæpius allegato Conventu Generali Anno 1700. die 7^{ma} Decembris Maræburgi habito *triplex*, vel si Agrariæ ex Bonis Terrestribus & Accisæ ex Civitatibus, quælibet separatim, spectentur, *quadruplex* Contributio sancita erat, *Personale* scilicet *Subsidium*, *Contributio*, ut vocatur, *Tonnaria*, *Agrariæ* & *Accisæ*. Priores binæ à Civitatum Majorum Internuntiis, quod ratione ejusmodi extraordinariarum Contributionum Instructione atque Plenipotencia essent destituti, receptæ non fuerant, tantumque ad referendum sumptæ. Declaraverant autem 59. Accisas in vicem 31. Agrariarum ex 46. aliis Agrariis ab Ordine Equestri constitutis, atque ratione Accisarum, quæ in reliquarum 15. Agrariarum requirebantur vicem, sese pariter ad Principales suos retulerant. Proinde salvis Provinciæ Pruthenicæ Juribus, ab Illustrissimo Ejusdem Domino Thesaurario nec in ullam aliam Contributionem, quàm quæ à Statibus & Ordinibus

ejus

eius Provinciæ constituta fuerat, Assignationes extradi poterant, nec Generales quædam in omnes tres contribuendi modos ad eos dirigi, qui hætenus non nisi in unum vel alterum illorum consenserant. Minimum Assignationes tales vim nullam habebant obligandi eos, ad quos erant destinatæ, quoad horum Consensus defectum priorem non supplêset.

Superius jam memoratum fuit, Gedanensem Civitatem exeunte demum Anno 1701. Subsidium Personale declaravisse, idque eâ factum fuerat conditione, ut illud quidem colligi, nullatenus tamen extradi nec Assignatio ulla in illud acceptari deberet, usque dum ex omnibus Provinciæ Bonis cum Ecclesiasticis tum Terrestribus reapse fuisset collectum. Unde satis apparet, quod, licet etiam Assignationis cujuscumque nuda extradio ad obligandum sufficeret, Assignatio illa 240000. florenorum à Thesauro Prusiæ in rem p. d. Illustrissimi Domini Jablonovii undecima die Junii Anni 1701. ad Civitatem Gedanensem directâ, præcocior multò fuerit quam ut Civitatem eam stringere posset.

Posterior Assignatio 31. millium florenorum cum feriis fuerit extradita, Gedanensis Civitas similia quidem ratione temporis eidem opponenda non habuit; Alia tamen hic notanda occurrunt. Loquitur eadem, ut jam superius dictum, in genere de omnibus Contributionibus Anno 1700. institutis. Nec minus verò supra indicatum fuit, Civitatem Gedanensem juxta cum reliquis Majoribus Civitatibus non in omnes tum temporis sanctas Contributiones, sed tantum in 59. Accisas consensisse, adeoque nec ad alia præterquam ad Accisas modò enumeratas potuisse obligari. Atque in has ipsas The-

Thesaurus Pruthenicus speciales extradidit Assignationes ad Civitatem Gedanensem, quæ easdem ad 128000. florenorum usque acceptavit, atque pecunias, quas 59. Accilæ intra tempus in Conventu Generali præstitutum confecerant, exactissimè dudum persolvit, evincentibus id ipsum Authenticis Thesauri Pruthenici Apochis seu Quietationibus. Quæ cum ita sint, neq; Illustrissimi Hæredes Jablonovii, nec quisquam alius habet, quod amplius rei hujus ergo prætendat. *Subsidium Personale* tantum adhuc superest Anno 1700. Mariæburgi constitutum, utpote cui Civitas, modo supra dicto, non quidem in Conventu illo Generali, postmodum tamen sese accommodavit. Tantæ verò Summæ, quantas vel prior Assignatio 240000 florenorum vel ambæ conjunctim 271000. florenorum efficientes sistunt, in Illud assignari minime poterant, siquidem ex *Subsidio personali*, quod Anno 1676. in Provincia Prussia collectum est, quodque Eadem Provincia Anno 1700. illius Subsidii, dequo jam agitur, normam constituerat, Summa tantum provenit quartam pecuniarum, quas ambæ controversæ Assignationes exprimunt, partem paululum excedens. Neque etiam Civitas, more in sciscendis Contributionibus Provincialibus communiter à se observato, qui ex earundem indole alius esse nequit, plura in se recepit, quam quæ ex *Subsidio hocce personali forent collecta*. Plus simplici vice, & diserte quidem cum literis, tum ore, id ipsum initio statim Illustrissimo & Excellentissimo Domino Castellano Cracoviensi Jablonovio tum temporis adhuc viventi, cæterisque omnibus, qui hujus Negotii ergo Civitatem requisiverant, ipsa exposuit, eo utique fine, ne plura in posterum exigeren.

rentur quam data à se inferre posset Declaratio. Anno 1702. modo dicti Illustrissimi Domini Castellani subsequebatur obitus, atque Hæredes Ejus à Civitate Gedanensi & Ipsimet, & per complures Regni & Provinciæ Proceres, ut & alia Illustria Utriusque Membra requirebant, ut ad Assignationes Thesauri Pruthenici Illustrissimo Eorundem Parenti datas, Gedanense Subsidium personale sibi extraderetur. Civitas autem quo magis lisdem confirmaret, *pecunias ex Subsidio Personali collectas aliis, quibus similes à Thesauro Prusiæ datæ essent Assignationes, minime exsolutum iri, quod pro eâ, quæ tum erat, negotii facie ipsi potissimum intendebant, declaravit, quod, quoad Assignationes ex sæpedito Thesauro Pruthenico in favorem Illustrissimi Eorundem Parentis datæ, in potestate ipsorum tanquam Ejusdem hæredum forent, nullæ aliæ in Subsidium illud Personale acceptarentur, neque cuiquam alii ex personali hocce Subsidio, ad quod solummodò Civitas sese lisdem expresse obstrinxerat, aliquid extraderetur; Qua Declaratione & ipsi Illustrissimi Domini Hæredes Jablonoviani & omnes, qui officia sua pro lisdem interposuerant, contenti fuere. A Civitate quoque exacta ejusdem habita fuit ratio. Cum enim paulo post alii quidam Thesauri Prusiæ Assignatarii in Subsidii hujus Personalis negotio Civitatem compellarent, illorum sollicitationibus quo minus deferretur modeste semper recusavit.*

Neque verò exiguum in Illustrissimos Hæredes Jablonovianos inde redundavit commodum, dum fide apud quosdam Civium & Mercatorum Gedanensium
F hoc

hoc intuitu repertâ, pecuniis mutuis in sæpe allegatas Assignationes suas, Mercatoribus illis securitatis loco traditas, abunde adjuti fuere. Mirabitur quilibet, dictos Illustrissimos Dominos Hæredes in easdem 93509. *florenorum Pruthenicorum Summam* à tribus Gedanensium accepisse, ex *Subsidio autem Personali*, in quod unicum Ipsi ex pacto Civitatis Jus quoddam esse poterat, tantum 60. *millia*, & quod paululum excedit, *florenorum Pruthenicorum* provenisse, atque nihilominus ab Illustrissimis Dominis Jablonoviis insignes adeo contra Gedanensem Civitatem constanter formari Prætensiones, quales sunt, quæ sive Radomiensis Tribunalis Decreto innuuntur, sive novissimè ex parte Illustrissimi & Excellentissimi Domini Palatini Culmensis in medium allatæ fuerunt. Purissima tamen horum omnium pro distinctiori notitiâ recensitorum est veritas, quæ evidentissimis, quoties opus fuerit, documentis firuari poterit.

Considerat equidem Civitas Gedanensis, tot myriades seu milliones in sui libertatisque suæ Conservationem integro belli hujus tractu erogare coacta, Inclytam Rempublicam Polonam, in quam sine ulla propriâ impensâ inde insignis adeo fructus redundavit, quod Civitas eadem non parem cum aliis quibusdam Poloniae & Prussiae Civitatibus, alienæ Potestati subjectis, atque ex parte non sine difficillimâ operâ & prægrandi sumptu Reipublicæ redditis, sortem subierit, eâ fore æquanimitate, ut pro justo aliquo solatio summulam Subsidii personalis Gedanensis ex Suo Thesauro Illustrissimis Dominis Jablonoviis exsolveret, vel aliâ lisdem ratione satisfaceret. Similem quippe affectum non tantum Civitas hæc tempore belli, minus diuturni minusque difficilis, ac fuit estque

estque prohdolor! adhuc præsens, olim experta est, portione, quam ex Contributionibus in Provincia sancitis solvendam habuit, ob allegatam rationem sibi remissâ, sed & hoc ipso seculo & ante annos haud multos varii alii Regni incolæ obtinuerunt. Cum æquitate minimum non pugnasset, si Respublica simpliciter Civitati quidquam donare atque eandem ad gratias nunquam intermorituras, & posteros ad imitandum Majorum pristinam fidelitatem & constantiam provocare dedignata, modicum tamen, quale *Sexaginta & aliquot florenorum millia ex subsidio personali Gedanensi collecta efficiunt*, pretium, in diminutionem *Vicies centenorum millium florenorum* illorum in se suscepisset, quæ Civitas Gedanensis à prioris belli Suecici tempore, postquam in spem promptæ Solutionis pari Summæ renunciavit, suffragante præviâ solenni computatione & liquidatione à Republica repetenda habet, tot publicis Regni Constitutionibus sibi asserta. Quorum usuræ illis, à quibus urgente tum temporis necessitate pares pecunias mutuas accepit, præstandæ per tot annos continuos *Ærariis Civitatis* incubuerunt.

Cum verò Civitas ad observantissimas Suas sæpiusque iteratas sollicitationes neutrum hucusque obtinere potuerit, prævidet ferè sibimet circumspicienda esse media, quibus Summâ, ex subsidio personali quondam collectâ, quam spe allegatâ nitens in Sui conservationem impenderat, se extricet: Quantumvis in novissimis adhuc Comitiiis Generalibus Grodnensibus Illustrissimorum Dominorum Jablonoviorum Desideria in genere omnia ad proximè futura Comitia Generalia

F 2

remissa

remissa fuisse meminerit. Verum enim verò non Illustrissimi Domini Hæredes Jablonovii quod inde prætendant habebunt, sed profecto Cives illi Gedanenses, in quorum, ut dictum est, manibus Illorum *Assignationes* hærent, qui *His viginti & aliquot florenorum millia in vim Summæ principalis, amplius quàm Idem ex Subsidio Gedanensi personali percipere potuissent, numerarunt*, atque præterea haud exigua ratione *Usurarum*, quas non cum Civitate, sed cum primo Assignationum sibi oppignoratarum Possessore, insciâ Civitate, pacti sunt, repetenda habent. Civitati super eo, quod sibi incumbet, cum Civibus suis facile conveniet. Quodsi verò Tribunali Radomiensi aut cuidam alii, ubi negotium hocce tractatum hætenus fuit, aliquid in eodem sibi porro tribuere & vindicare placeret, & Juribus & Æquitati nihil magis consonum foret, quàm ut id ipsum eo fieret modo, quo Cives Gedanenses ratione prætensionis, sibi post obtentam à Civitate Satisfactionem adhuc reliquæ, ab Illustrissimis Dominis Jablonoviis indemnes præstarentur. Hi enim soli Summæ Principalis receperunt excessum, adeò copiose suis commodis affluentem, ut propè *dimidiam* ejusdem Summæ partem æquet.

In tertio puncto nomine Illustrissimi & Excellentissimi Domini Palatini Culmensis supponitur:

Civitatem Gedanensem ex Accisis Anno 1713. in sexennium laudatis 80000. florenos adhuc debere, cum tantundem ex assignatis in eandem 480000. florenis minus fuerit solutum.

In exterorum gratiam paucis indicasse juvabit, quemadmodum in Prussia Polonica Accisæ in Conventibus Ejus Generalibus decretæ à Civitatibus persolvantur.

Earum

Earum longè alia ratio est, ac *Agrariarum*, quas *Ordo Equestris* pendit, quantumvis numerus *Accisarum*, numero *Agrariarum* certo respectu accommodetur, ita, ut paululum infra binas accisas in unius agrariæ vicem computari nunc soleat. Quantum ex *quâlibet Agrariâ* in universâ Provinciâ proveniat, accuratè quidem constat, quoniam Agrariæ secundùm *Mansos & Jugera* colliguntur, horum verò quâ singula Bona Regia, Ecclesiastica & Terrestria in Catastro seu Tariffa Terrarum Prusiæ determinatus numerus existit. **E** contrario *simpla Accisa* quantum efficiat, exacta notitia haberi nequit, cùm eadem modò plus, modò minus importet. Ratio hujus rei in promptu est. Etenim mensura terrarum immutabilis servatur, quoad Catastrum seu Tariffa, in quâ Mensura definita est, non immutatur; Accisa verò de quolibet, qui consumitur, polenti seu *brasei* modio solvitur, proindeque coctæ Cerevisiæ copiâ ejusdemque virtute, quæ pro brasei quantitate vel augetur vel minuitur, potissimum nititur, quod *simpla Accisæ* proventus modò major sit modò minor. Ubi usurpatâ in circumjacentibus Bonis Ecclesiasticis & Terrestribus contra communia & specialia Jura coquendi cerevisiam facultate, consumptionem Brasei atque insimul *Accisarum* proventum insigniter diminui necesse est. Inprimis cùm in Bonis, quæ minora Contributionum onera parcioreque sumptus publicos ferunt, Cerevisia & minori, quàm in Civitatibus, pretio vendi, & aliquantò efficacior præstari queat. Ipsa *Accisarum* pro quovis brasei modio simul solvendarum copia cerevisiam tenuiorem efficit, cùm aliàs solito vendi pretio non possit.

Quare fit ut Prusiae Polonae Civitates, cum in Conventibus Generalibus Accisae constituuntur, in genere *ad eorum tantummodo, quae ex Accisis illis provenerint, solutionem* se obstringant, *Prænumerationem* verò, ut nominant numerationem in Antecessum factam, si quae censetur necessaria, atque à Provincia rata habetur, in se minimè suscipiant, curam ejus *Domino Thesaurario Provinciae* relinquentes. Neque ratione Assignationum, quae vel huic vel illi Creditori, Pecuniae ita repraesentatae vel *prænumeratae*, vel etiam illis, in quorum rem Contributio sancita est, à Thesauro Prusiae extraditae fuere, ullae aliae partes Civitatibus incumbunt, nisi quod singulas, servato quem Dominus Thesaurarius Provinciae praescripsit, ordine, in suis Accisarum Actis sive *Regestris* annotent, & postea eodem ordine ex Accisis successivè collectis valorem cujuslibet Assignationis fideliter & exactè persolvant. Hæc quoties Civitates observant, & quam in se susceperunt obligationi, & iis, quae Conclufa Provinciae seu Lauda requirunt, ex asse satisfaciunt. De eo tamen præcavendo meritò sunt sollicitae; ne majores assignentur Summae, quàm quae durante, quo Accisae currunt, tempore solvi possint. Harum enim alias nova instituenda foret designatio, quae, cum à totius Provinciae Sancito pendeat, longius sæpe protrahitur. Adhæc solutio talis residui atque usurarum, quae inde accrevire, efficit, ut subsequens Contributio vel qua proventus diminuatur, vel qua impositionem pro supplendo isto defectu eò gravius in Terras atque Civitates onus devolvatur.

Ex iis, quae in genere de natura & indole Accisarum hic succinctè fuere adumbrata, facile conjicitur, an
Civi-

Civitati Gedanensi Anno 1713. in Conventu Generali Mariæburgi celebrato ratione *ducentarum & quinque*, in quas consensit *Accisarum*, Summa 480000. florenorum fuerit imposita, & an ad eam solvendam ipsa sese obstrinxerit. Præcedentia satis innuunt insolitum id prorsus futurum fuisse. Ipsa etiam Civitas contrarium constanter asserit. Quare adversæ parti probatio ejus incumbet. Nulla verò Civitatem fortius stringere potest, quàm quæ ex ipsis *Laudis* modò dicti *Conventus Generalis* fuerit petita. Ex iisdem omnino dirimenda est controversia.

Jam verò in *Laudis* hisce simile quid minimè occurrit, indeque sufficiens in favorem Civitatis elicitur præsumptio. Quid quod eadem *Justitiam Causæ* pro Civitate militantem plenissimè evincunt. Etenim *Lauda Contributionum* ut alias semper ita & hac vice expresse docent, *binos solidos de quovis polenti seu brasei modio in vim simplæ Accisæ solvi, universum Accisarum numerum intra Sexennium in certas classes seu ratas distributum esse, atque in quavis rata certum Accisarum numerum currere debere.* Hæc omnia minimè fuissent necessaria, si constitutæ *Accisæ* generatim pecuniâ æstimari vel taxari potuissent, aut etiam, si Civitas se hac ratione taxari permisisset, quo casu tale quid tanquam plane singulare & insolitum *Laudis* procul dubio expressum fuisset. *Laudum Conquirendæ ad fidem publicam pecuniæ*, sub No. 5. adjectum, aliud adhuc pro Civitate No. 5. exhibet testimonium. Quamvis enim, qui Civitatem hujus rei ergo arguunt, meliora nescientibus persuadere vellent, Civitati Gedanensi utique certam pecuniarum

Summam fuisse impositam, ad quam solvendam se omnino obstrinxerit, quamque ex Accisis suis in Ratis vigore *Laudi* præfixis colligendam haberet; Isti tamen partim sibimet ipsis contradicerent, cum concedendum ipsis foret, Civitatem non esse obstrictam, ut 480000. florenos ante solvat, quàm *intra sexennium* currentibus Contributionibus præstitutum, secus enim non opus fuisset ut à Domino Thesaurario Provinciæ in fidem publicam, appromissis usuris, pecuniæ mutuæ conquirentur, adeoque ante absolutum illud Sexennium contra Civitatem & præpropere & inique prætensionem formari, partim omnem fucum mox abluturum esset Idem quod ultimo loco memoratum est *Laudum*, quo docetur, *pecunias in fidem publicam conquistatas ex Contributionibus & Dono Gratuito*, prout utrumque collectum fuerit, hoc est Sensim & pedetentim refundi debere.

Atque ita professum palam, Civitatem Gedanensem tantummodo ad *certum Accisarum numerum* & ad harum, quicunque futurus esset, proventum, minimè verò ad *certam pecuniarum Summam* respectu earundem sese obstrinxisse, & vi ipsius *Laudi* non hoc sed illud Civitati incubuisse. Quodsi calculus ab uno alterove privatim citra consilium assensumque Civitatis subductus fuerit, istos teneat oportet neglecti certioris fundamenti eventus. Neque tamen reticendum est, Civitatem Gedanensem non minùs, sed plus ac quidem debuit, quin imò superflua, ex singulari inprimis, quo *Illustrissimum & Excellentissimum Dominum Palatinum Culmensensem* suspicit, cultu præstitisse.

Ut Mutuarum in fidem publicam conquirendarum pecuniarum cura Domino Thesaurario T. P. à Provincia commissa fuerat. Huic verò multa occurrebant obstacula, inprimis cum **Lauda Contributionum**, quæ pecunias mutuas erogantibus securitatis loco esse debebant, conditionem continerent, quod *Contributiones illæ statim cessare deberent, simul ac Miles sive domesticus sive externus Provinciæ vel Bonis Ejusdem gravis esse cœpisset.* Ad hunc lapidem plurimi offende-
bant. Turbæ quoque in Regno nondum sopitæ, decrescens in Civitate Gedanensi Cerevisiæ consumptio indeque exiles accisarum redditus aliis scrupulum injiciebant. Neque diu tamen miles, in cujus rem, ut prætendebatur, Contributiones constitutæ fuerant, subsistere poterat, nisi quæ ex eadem ratione Domino Thesaurario Provinciæ commendata erat, mutuarum pecuniarum in fidem publicam conquisitio re ipsa perficeretur. Magistratus itaque Civitatis Gedanensis officia sua interponendo inibat rationem, ut per delegatos quosdam, qualis opera in Contributionum Provincialium negotio antea nunquam fuerat adhibita, supra allegatæ conditionis scrupulum eorum animis, qui aliàs ad suppeditandum mutuas pecunias minus fuissent difficiles, idoneis argumentis eximeret, juxta ac alios ad faciendam in antecessum numerationem adduceret, adeò ut hunc in usum pecuniæ, quæ hoc modo aliàs collocari non solent, consentiente & partim requirente Magistratu converterentur. Atque hac ratione Summa pecuniæ numeratæ *ter centies mille florenos Pruthenicos* circiter efficiens colligebatur, cujus primas & insignes quidem

portiones Illustrissimus & Excellentissimus Dominus Palatinus Culmenfis, providente huic rei Magistratu, capiebat. Præter hæc *Centies mille floreni* in dictas accisas in Regestris Civitatis Gedanensis annotati sunt, atque adeò generatim 400000. *florenorum* Pruthenicorum tum temporis ab eadem in Assignationibus fuit acceptata. In quarum pecuniarum successivâ & exactâ solutione Civitas constanter more solito perrexit atque etiamnum pergit.

Plurimam hoc nomine & se iniisse & sibi relatum iri gratiam considerat. Nec deerant, qui eandem Civitati habebant, ipsâ à Conventu Anni 1713. ad annum usque 1715. in eo, quod ad Prætensiones Contributionum Provincialium attinebat, minus turbatâ. At verò ultimum dicto anno non adeò gratam Officiorum Civitatis haberi memoriam jam apparebat. Illustrissimus & Excellentissimus Dominus Supremus Exercituum Regni Dux, qui tamen, ut in fine observationis ad primum Punctum commemoratum fuit, operam à Civitate in novissimo Conventu Generali præstitam & honorificè & gratiosissimè literis prædica-
 verat, *nullâ ibidem residuæ prætensionis mentione injectâ*, à Civitate postulare coeperat ut 80000. florenos adhuc exsolveret, atque Illustrissimo & Excellentissimo Domino Palatino Culmensi idem postulatum suo proprio adjuncto urgere placuerat. Quas rationes Civitas iisdem opposuerit, hic subungere nimis prolixum foret. Neque etiam necessarium videtur, cum ex præcedentibus jam satis colligi possit. Præcipua negotii momenta connectunt atque exhibent, quæ in eodem ad
 Illu-

Illustrissimum Excellentissimumq; Dominum Palatinum Culmensensem à Civitate exaratae fuere literae sub No. 6. adjunctae. Ex quibus inter alia, quae No. 6. Controversiae huic plurimum lucis affundunt, argumenta & hoc videre est, Civitatem rursus aliquid reliqui facere voluisse, omnem denuò adhibendo operam atque diligentiam, ut 40. millia florenorum in fidem publicam mutua conquirerentur. Commoverat ad hæc Civitatem desiderium tanti Senatoris affectum sibi magis magisque asserendi. Commoverat spes Generalis, quem Ipse animo conceperat, Conventus obtinendi quo ea, quae huic rei adhærebant minus rite ordinata, mutari in melius possent. Commoverat prædicti Illustrissimi Domini Palatini Promissum: *modo Illustrissimo & Excellentissimo Domino Supremo Exercituum Regni Duci 40000. floreni exsolverentur, se solutionem reliquorum 40000. florenorum usque dum in Conventu Generali novae Contributiones sancitæ forent, minime urgere velle.* Quemadmodum etiam Idem Illustrissimus Dominus Palatinus agnoverat, Civitati imputandum non esse, quod Legioni suæ residuum illud adhuc deberetur, se enim, cum Assignationes Thesauri Prusiae extraderentur, non satis curasse, ut anteriorem in Ordine earundem locum obtineret. Quæ verò obstiterint, quo minus eo tempore hæ pecuniæ mutuae præstarentur, in iisdem literis sub No. 6. adjectis exhibentur. Transmittebantur hac ratione aliquot adhuc menses, cum tandem Illustrissimus Dominus Palatinus post multas in Ipsâ Aulâ Regiâ sibi repræsentatas rationes denuò declararet: *Se ratum habere, ut integrum, quod hætenus urfisset, postulatum 80000. florenorum ad dimidiam restringere-*

tur partem, quæ Illustrissimo & Excellentissimo Domino Supremo Exercituum Regni Duci deberetur, seque hæc eadem 40000. florenorum Illustrissimo & Excellentissimo Domino à Fleming S. R. J. Comiti, Sanctioris Conclavis Regis Directori & Supremo Campi Mareschallo cedere velle. Hic pro solitâ sua Humanitate & Generosioris Mentis connatâ indole, negotium hocce ita in se suscipere dignabatur, ut plenissimè confectum esse deberet, quam primum ad Literas Cambiales suo arbitrio ab Illustrissimo Domino Palatino inscriptas per Civitatem Gedanensem Summa 16000. florenorum in numerata pecunia exsolveretur, atque reliqua Summa 24000. florenorum in Actis Accisarum Gedanensium, eo, quem relatorum jam in ea Numerorum series admitteret, loco notaretur. Tandem ergò Civitas Gedanensis pro decentissimo, quo Illustrissimum hocce Par veneratur cultu, in modò dictam propositionem consentiebat, eandemque exsequebatur, partim solvendo in numerata pecunia valorem prædictarum Literarum Cambialium, postquam multo labore 16000. florenorum mutua in Accisas Gedanenses conquesta fuerant, partim acceptando in easdem Accisas Assignmentem 24000. florenorum ex Thesauro Prusiae Illustrissimo & Excellentissimo Domino Campi Mareschallo datam. Quæ Assignatio ultima fuit in Accisas Anno 1713. sancitas à Civitate acceptata. Atque hæc ratione Accisas Provinciæ Gedani currentes 440. Millibus florenorum onerari revera oportuit. Sed manifestum satis est pro sorte s. capitali & usuris longe supra 100. millia florenorum, uti à Civitate diligenter satis demonstratum fuit, residuum mansurum, posteaquam Accisæ Sexennales mense Junio Anni hujus 1719. currere

rere desierint, cujus Summæ solutionem Creditores majore quidem Provinciæ & Civitatis, quam suo incommodo & detrimento expectandam habebunt, usque dum novæ Accisæ ordinario modo in Generali Terrarum Conventu fuerint sancitæ. Quod ipsum pariter evenisset eademque patientia Illustrissimo & Excellentissimo Domino Palatino Culmensi adhibenda fuisset, licet sepositâ omni alia consideratione Civitas Gedanensis majores illas Summas, quibus, uti supra memoratum est, Ipse renuntiaverat, plurium adhuc Assignationum acceptatione anterioribus adjici eoq; pacto Accisarum suarum proventus cum gravioris æris alieni nexu implicari permisisset. Interim verò Ipsemet Illustrissimus & Excellentissimus Dominus Palatinus Culmensis Literis suis, quarum Exemplum sub No. 7. annexum est, affirmavit, Se ultimam hanc 40000. florenorum Summam, de quâ plura modo recensita fuere, non tantum Illustrissimo & Excellentissimo Domino Supremo Campi Marechallo cessisse, sibiq; ab Eodem ejus ergo satisfactum esse, sed & eo fine se eandem accepisse, *ut inde quæ ad Illustrissimum & Excellentissimum Dominum Supremum Exercituum Regni Ducem pertinerent, solverentur.*

Quare jam assequi non licet, quomodo Accisarum Anno 1713. sancitarum in antecessum facta numeratio, sive, quod intuitu Civitatis eodem recidit, Assignationes à Civitate in easdem Accisas acceptatæ, tantum ad 400. millium florenorum calculum revocari, vel etiam querimoniæ audiri possint, Legionem Illustrissimi Excellentissimiq; Domini Supremi Exercituum Regni Ducis habere adhuc, quæ ex hoc capite à Civitate prætendat,

I *in summa, quæ post-*

postquàm ad hoc ultimum quod attinet, ea semper obtinuerat assertio, non nisi pro Eadem Legione hæc 40. Mille florenos prætendi, atq; unice in rem Ejusdem adhibenda fore.

Exquisita maximè & salutari Provinciæ Lege cautum est, ne Contributiones novae in Conventu Terrarum Generali sine prævio earum, quæ ultimùm exactæ fuerunt, calculo, publico examini submisso & universim approbato, constituentur. Optandum sanè foret, ut idem Seculo hocce observatum fuisset, Civitate Gedanensi quàm diligentissimè ad id sollicitante. Tum enim statim apparuisset, an militi Regni à Terris & Civitatibus Provinciæ aliquid & quantum deberetur. Si forte quidquam occurrisset residui, facile definiri potuisset, cuinam solutio ejusdem incumberet. Tantum verò abest, ut inter illos, qui residui quid adhuc debent, Civitas Gedanensis deprehenderetur, ut potius iis, qui plus quàm pro rata parte oportuerat, solverunt, jure meritoque accensenda foret. Alioquin jam plus simplici vice probatum & evictum fuit, Provinciam Prusiam liquidum SesquiMyriadis, vel ut vocant, Millionis, calculum, quam supra ratam partem solvit, cum Republica expediendum habere, Ipsique adeò Jus competere eandem summam de novis aliis Contributionibus detrahendi. Quodsi res eò aliquando deduceretur, Civitas quoque Gedanensis pro sua parte, loco incommodorum sibi jam ex aliis, quæ supra alias formantur, prætensionibus obvenientium, non levi frueretur Commodo atque Solatio.

Ultimum Punctum, quod pro defendenda Executione Bonis Civitatis Gedanensis Patrimonialibus immissa, allegatur, consistit in

Tri-

Trimestribus seu, ut vulgo appellant,
 Quartualibus Krasnostaviensibus.

Hæc originem suam debent Anno 1716. die 17. Sept. Krasnostavii in Tribunali Thesauri ibidem habito, conclusis. Ubi ad dissolvendam, quæ aliquot abhinc annis Regnum Poloniæ vehementer admodum concusserat, Confoederationem, conventum erat, ut Copiis confœderatis, partim illis, quæ quod integer Exercitus Regno Poloniæ Magnoq; D. L. stipendia in posterum meriturus ad minorem restringebatur numerum, dimittendæ erant, partim reliquis, quæ retinebantur, ratione antiquarum prætensionum satisfaceret. Id verò Summâ perficiebatur Pecuniariâ utrinq; pactâ, quæ in omnes Palatinatus & Districtus partiebatur. Provinciæ Prusiæ 528253. floreni & 6. grossi monetæ Poloniæ, vel, quod perinde est, dimidia ejusdem Summæ pars Monetæ Pruthenicæ imponebatur, rursus in Eâdem dispartienda. Hæc, ut loqui amant, Sub-repartitio secundum Jura Provincialia non nisi in solenni Conventu, adscitis omnibus Terrarum Statibus & Ordinibus, conficienda fuisset. At verò aliqui tantum iique pauci Senatores & Dignitarii Pruthenici ad negotium hocce admisi, neque ulla ejus Civitati Gedanensi facta fuit propositio, antequam omnia essent expedita. Nihil eadem intermisit, quod ad demonstrandam hujus rei anomaliam pertinere visum fuit. De eâ sæpius in Colloquiis ea propter institutis conquesta est, se scilicet insignem ex eo percipere dolorem, quod, cum omnia, quæ in rem Militis Regni in Generalibus T. P. Conventibus essent sancita, exactè semper pro parte sua præstitisset, adeoque ex prætensis istis an-

tiquis Summis residuis Militi Regni nihil prorsus deberet, neque etiam ullæ sibi in Confœderatione fuissent partes, nihilo secius ad Summarum earundem Solutionem concurrere & ad præmia eorum, qui in Confœderatione arma tulissent, quicquam conferre deberet: Æquitati adhæc minimè consonum esse, ut, postquam Summa Provinciæ imposita cœteroquin justam proportionem maximoperè jam excederet, in Civitatem solam tanta ejus pars, quantam postulata ab eadem Summa 77017. florenorum 17. grossorum efficeret, devolveretur. Ut alia, quæ hac in re obvenire, anomala silentio tegantur. Constanter & acrius quidem Civitas, ut postulato annueret, pressa fuit atque tandem ingentis beneficii loco allegatum, quod Civitati 7200. floreni Pruthenici de Summâ ultimùm memoratâ, remitterentur, multæ quoq; pollicitationes adjectæ, in proxime futuro Tribunali Thesauri Radomiensi provisum iri, ut Provincia respectu totius Summæ aliquâ ratione sublevaretur. At verò Civitati, quæ tot tantisque Calamitatibus & ærumnis circumsepta erat, quæ insignes adeò Summas quovis Semestri Militi Regni solvendas in se receperat, quæ non uni Principi extero aliquot centena Millia supra Myriadem, vel ut vocant Millionem, exsolvenda habebat, durante hocce æstu minimè integrum erat, desideratâ postulato huic respondere declaratione, neque ad satisfaciendum eidem unquam fidem suam ita adstrinxit, ut valida inde contra eam formari queat prætensio. Atque in hoc Statu res omnis hætenus perstitit, tametsi propensa eandem convenienti ratione expediendi Voluntas Civitati non defuisset, modo ex unâ parte immensi, quos eò tempore in negotio Russo

fico

sico erogandos habebat sumptus, atque numerosa, quæ Miles Russus in Civitatis Territorio fixerat Stativa, non obstitissent, ex altera verò parte studium aliquod & indicium ex æquo & bono negotium finiendi seriò prælatum fuisset. Quæ proni animi affectio nec otiamnum in Civitate deficeret, modo exactè constaret, quinam illi sint, cum quibus rei hujus ergo tractandum foret. Assignationes enim sæpiùs immutari, atque plures illorum, quibus pecuniæ istæ in Civitatem Gedanensem ante assignatæ fuerunt, aliò remissos esse, compertum est, quos inter Ipse quoque Illustrissimus & Excellentissimus Dominus Palatinus Culmensis existere creditur. Quin haut levis dubitandi causa nata est, an ii, quibus hæc Trimestria s. *Quartualia Krasnostaviensia* assignata sunt, ulli eorum, qui Polonica arma Civitatis Gedanensis territorio intulere, mandatum vel facultatem dederint Præensiones suas hac vel alia quapiam ratione urgendi atque Civitati hoc nomine negotium facessendi.

Judicet interim, cuicunq; Judicium est omni, qui inquirendæ veritati obesse potest, affectu vacuum, an hæc prætentio vel ulla alia trium recensitarum ex Justitiæ & Christianæ æquitatis præscripto sufficere potuerit, ad suscipienda contra Civitatem, quæ diebus hisce milite Polono Territorium ejusdem invadente atque Executionem sibi commissam instituyente, fuerunt peracta.

Quæ Illustrissimus & Excellentissimus Dominus Palatinus Culmensis in Sui excusationem allegat *Mandata Illustrissimi Excellentissimique Domini Supremi Exercituum Regni Ducis*, durissimo ingenio dura omnino videbuntur. Ultimo, quod Civitati exhibitum fuit, Mandato die 22. Mensis Novembris Anni 1718 expedito

dito Idem Illustrissimus & Excellentissimus Dominus Supremus Exercituum Regni Dux requirit, *Ut Executio prædicta perficiatur, simul ac miles Russicus Territorio Civitatis egressus foret.* Proh Deum Immortalem ! Hoccine Præsidium, Hoccine Solatium Civitas Gedanensis ab iis expectare debuit, qui cum eadem Unius Ejusdemq; Regni & Corporis membra sunt, qui insignem adeò Stipendorum suorum partem ab eadem exactè percipiunt, qui nihilominus eidem, in variis, quibus afflicta fuit, oppressionibus occasionem de præstito auxilio gratias referendi nullam hæcenus præbuere ? Videtur animis illorum insedisse opinio, majorem exotico militi erga Civitatem fore misericordiam, neque illum permissurum, ut publica Tranquillitas & Libertas ante biennium solenni Tractatu atque Comitiorum Generalium Autoritate asserta in discrimen adduceretur.

Etiam si verò Prætextio, cujus prætextu omnia peracta sunt, tantâ fuisset nixa justitiâ, quantâ cum evidentiâ contrarium supra uberius demonstratum est, novam tamen Compellationem violentiæ militari amicè præmitti, quam vi jam illatâ comminationibus additis sequi, satius fuisset. Moram saltem aliquam negotium hocce admisisset, tempore placidæ quieti & devotioni inprimis sacro, *Hebdomada illâ magnâ & sanctâ Passionis Domini*, per armatos nullatenus suscipiendum.

Ipsorum *Gentilium* moris erat præcavere, ne diebus festis, vel proximè ante eosdem quidquam moesti vel ingrati obveniret. Observabant id præcipuè *Judæi* ratione Sui Festi Paschalis, tantumque aberat, ut alienas tum invaderent terras, atque offendendo proximum
aliaque

aliaque Deo invisa perpetrando se contaminarent, ut potius cum propè esset Pascha, Hierosolymam ascenderent, quò se purificarent. Quàm religiose, quàm sanctè ab Apostolorum inde tempore in universo Orbe Christiano Memoria Passionis, Mortis & Resurrectionis Servatoris nostri, statis huic fini diebus celebranda celebrataq; fuerit, Historia Ecclesiastica cum vetus tum recentior, & Scripta Patrum, totque Conciliorum Canones & Decreta, nec non aliæ innumeræ Constitutiones loquuntur. Et in Bello, etsi justissimo, Induciæ quondam hoc ipso fiebant tempore, nisi urgentissima id impediret necessitas. Ipso Jure, ut vocabatur, Pugni & Duellorum apud nonnullas Nationes olim licitorum, atque sic dictarum Fehdarum, sanctis diebus hisce habebatur reverentia, Treugaque & Cessatio ab armis observabatur. Judicia Civilia & Processus tum differri & sisti etiamnum obtinet. Unica Gedanensis Civitas exemplum in Orbe Christiano recens esse debuit, integrum ei non fuisse ea, quæ Festum Paschale proxime præcescit Hebdomada, vel etiam, si per adversarios ejus id stetisset, ipso Festo Paschali, Cultui Divino vacare, quin pro Fratribus & Amicis habiti, tempore Passione Domini & Servatoris Sanctissimi commemorabili, Civitati colonisque ejus, nullâ causâ datâ ægre facerent, & commune Jubilum Halleluja suspiriis & lacrymis miserorum Territoriî Gedanensis incolarum interpellarent.

Eatenus Civitas singulis fere diebus, atque unâ eâdemque die plus simplice vice omnia tentaverat, quæ in tali casu suaderet amicitia, suaderet humanitas, suade-

ret ratio, quò Territorum suum ab exotico, vel, accuratius loquendo, à domestico quidem, sed hunc in finem non sustentato milite liberaretur. Omnia verò in vanum. Miles ille Polonicus Gedanensi Territorio immissus, qui initio ære proprio vivere dicebatur, colono licèt optimè experto quantum sibi pro suppeditato victu solutum fuerit, mox de alieno eum sibi parare incipiebat, onus Exsecutionis plurimo excessu auctum in colonum devolvendo. Reliquæ in Prussia Copiæ Illustrissimo & Excellentissimo Domino Palatino Culmensi creditæ maximam partem movebant versus Gedanum. Tringinta circiter erant Cohortes, quas Illustrissimus & Excellentissimus Dominus Supremus Exercituum Regni Dux, vigore mandati sui in Autographo cum Civitate communicati, Exsecutioni huic destinaverat. Firmabantur novis Centuriis Copiæ Civitatis Territorium ingressæ, atque Ipsius prædicti Domini Palatini Mandatarius, adhuc octava Aprilis die, & ore & scripto Civitatem certiore reddiderat, *nullam dilationis spem eidem esse reliquam.* Horum omnium gravissima cum jam Civitatem circumstarent momenta, Ordinibus ejusdem justissima municipum posterorumque suorum metuenda fuisset reprehensio, si injuriam, si præjudicium, si periculum, antequam prævalescerent, reprimere neglexissent. Ipsa Juris jurandi religio, qua fidem dederant, *se Jura & honorem Civitatis tuituros fore*, eos Officii sui admonebat. Juebant proinde, licet maximè inviti, militem, quem in Bonorum suorum Patrimonialium eorundemque incolarum defensionem emisserant, propius admoveri, atque seriis remediis, omni jure licitis, vim injustam à Territorio suo propelli. Appropinqua-
bat

bat miles Gedanensis Pago Civitati subiecto, *Stüblau* dicto, ubi Dominus Colonellus à Rittesfel cum omnibus Suis copiis, exceptis binis Centuriis ex alio vicino pago eodem discessum parantibus, morabatur, atque factis ibidem aggeribus munitis, apertisque in sepibus ad displodenda arma, atque aliis apparatus abunde indicaverat, se regressum suum ex Terris Civitatis minimè acceleraturum, sed extrema potius experturum. Antequam tamen eadem adhiberentur, utq; si fieri ullo modo posset, declinarentur, idem Colonellus ultima vice humanissimis verbis compellabatur. Illo vero contraria mandata à Superioribus Suis sibi commissa constanter allegante, tandem quibus abstinere Civitati integrum non fuerat, perfici oportuit, postquam durissima à quibusdam Præfectis Copiarum Polonicarum in militem Civitatis jacta opprobria, majori, quam quæ desiderari poterat, patientiâ ab eodem superata essent.

Eum denique res omnis sortiebatur exitum, ut miles Civitatis Gedanensis nona Aprilis primaq; Festi Paschalis die dictum pagum *Stüblau* juxta ac omnes in eodem existentes Copias Polonicas in potestatem suam redigeret, quâ occasione ex his Centurionis locum tenens, qui brevi ante acerbissimis in Gedanenses injuriis præ aliis enituerat, unâ cum duobus gregariis militibus vulnerabatur. Coeterum eam modestiam ac moderationem Miles Civitatis ubique observabat, ut neminem ex Copiis Polonicis ulla ratione violaret. Suffecerat ei Scopum obtinuisse, cujus obtinendi causa emissus fuerat, ut scilicet Milites Regni relicto Gedanensi Territorio *Vistulam* trajicerent.

Civitas sanè sæpe nominata, uti ex præmissis satis superque colligitur, perlubenter supersedisset Magni Sanctissimique Festi Paschalis Solennitatem ejusmodi auspicari expeditione. Ipsi verò aliisque rem hanc curatius expensuris recolendum, quod *Scaevola*: Quid feriis agere liceret? interrogatus, respondit: Quod omissum noceret, & à Pontifice Romano in *Nicolao* quodam Canone *Bulgaris* repositum, Si inevitabilis' urget importunitas, nec Quadragesimali tempore, pro defensione tam sua, quam Patriæ seu Legum Paternarum, bellorum præparationi parcendum esse.

Quæ utrinque gesta sunt aliquo modo ad præparationem ejusmodi accedunt, quantumvis eadem neque uni neque alteri parti eo fine ut gloriæ suæ inservirent, suscipienda fuerint. Utra verò pars scopum modò dicta admonitione Pontificia approbatum sibi præfixum habuerit, justæ aliorum decisioni Civitas Gedanensis libens relinquit.

Confidit eadem humillimè, Sacram Regiam Poloniarum Majestatem, Regem Suum Clementissimum, Dominum & Judicem Suum Unicum, pro Paterna Benignitate & Justitiâ, clementissimè cognituram, non potuisse Ordines fidelissimæ Civitatis Gedanensis aliter ac fecerunt, & communis cuivis animanti a naturâ inditus instinctus impellit, agere,

agere, ne Civitas à Throno Judicioque Regio, cui Soli subjacet, per aliena Decreta, & quidem indignis adeo, ut suprà discussum fuit, prætexitibus avelleretur, atque Jurisdictioni illorum subjiceretur, qui perinde ac Civitas *Sacrae Regiae Majestati* subditi, atq; cum eâ in eadem Regni Unione constituti sunt, sed Civitati quidquam vel imperandi vel in præjudicium Libertatis ejus imponendi Jus nullum habent. Neque *Sacrae Regiae Majestati*, vi Summæ Authoritatis, efficacissima defutura sunt remedia, quibus provideatur, ut, si non de præjudiciis ubivis jam notissimis, quæ *Dignitatis Regiae Prærogativa atque Immunitates Terrarum & Civitatum Prusiae* patiuntur, sufficiens subsequatur satisfactio, quam *Sacrae Regiae Majestatis* dispositioni Civitas humillimè relinquit, ne saltem impostero tristi firmetur exemplo, *Unius Ejusdemque Regni Membris, sicubi armatis imperare possunt copiis, omnia pro lubitu atque commodo licere.*

Serenissima Respublica Polona, quam tot Viri Sapientissimi atque Salutis Suæ Scientissimi, sub Augustissimo Moderatore indefessa cum sollicitudine Bono Publico incumbente, constituunt, gratiosissimè respicere dignabitur, quæ Civitas Gedanensis ingenua illa & constans, ultra Unum & Sesqui Seculum, ex quo cum Republica unitam se esse gloriatur, Fidei Zeliq; in Eandem Sui argumenta Orbi universo exposuerit. Dignabitur considerare, quantum emolumentum ex hujus, etsi exiguæ, Suæ partis conservatione in se hactenùs redundaverit: quantique hæc ipsa Civitati recentioribus imprimis temporibus constiterit, ubi Divina an-

nuate Benignitate, præcipua Subsidia *ex propriis Civitatis facultatibus*, atq; Civium & Incolarum ejusdem fortunis, magis magisque jam, quod à nemine adjuventur, decrefcentibus, conquiri oportuit. Dignabitur respicere, quàm insigne inde obveniret detrimentum, si Jura & Immunitates Civitatis ulterius eadem, quæ ultimum electa fuit, ratione infringi pateretur.

Imperia, Regna & Status sine potentiori Exoticorum Amicitia atque Fœderibus firmiter satis consistere non posse, nemo inficias iverit: Ecquis verò non affirmaverit, exteris Potestatibus cum aliis exteris tum gratissimam esse amicitiae culturam, cum hi domesticas antiquas Constitutiones sincerè tuentur, easdemque Potestates exoticas maximam in ejusmodi Amicis collocare fiduciam, qui propriis Civibus & Incolis exactissimè servant & custodiunt, quæ hi secundum Conventiones Fundamentales, & antiqua Jura benè parta atque Prærogativas suas desideranda & expectanda habent.

DEUS cœterum novit optimè, in pectoribus Ordinum Civitatis Gedanensis omnium minimè Seminis Illius quicquam foveri, vel in omne ævum folum iri, cujus celeberrimus ille *Plocensis Episcopus* in fine Dissertationis suæ lectu dignissimæ, *De Statu Rerum Polonicarum*, meminit. Præter alias verò observationes, quæ ex Scripto hocce petitæ ad præsentem Civitatis Gedanensis Statum optime applicari possunt, nec illæ omni carent fundamento, aut ad rem præsentem inidoneæ sunt, quibus Idem *Episcopus*, unà cum Voto ut Falsus sit Vates, conclusionem ejusdem paucis ante ultimas lineis Posteritati dispiciendam reliquit.

Inclytæ Provinciæ Prusiæ, Hujus Consi-
liariorum, inter quos Illustrissimum & Excellentissi-
mum Dominum *Palatinum Culmensẽ*, tanquam *Primum Secularem Senatorem* ut & plurima Ejusdem me-
rita singularia planè atque laude dignissima, eâ, quâ par
est, observantiâ suspicit, Universorumque Ejus-
dem Statuum & Ordinum, cùm peculiare tum
quoque commune in eo versatur commodum, ut pro-
videatur, ne partium, quæ integram Provinciæ compa-
gem efficiunt, ulla in Juribus suis Cardinalibus antiquis-
simisque Immunitatibus detrimenti quid capiat, multò
minùs eorundem jacturam patiatur. Hæc ut Majores
defenderent, junctis animis nec fortunis suis nec sanguini
suo pepercerunt. Hæc, cum iidem sponte sua ad Re-
gnum Poloniæ accederent, sibi sollemnissime reservârunt.
Harum integritas ipsis universis, cum Eidem unirentur,
sanctissimè appromissa fuit. Quæ verò in horum præ-
judicium Civitati Gedanensi jam obvenit calamitas, ex
natura & indole sua tantum contagiosi involvit, ut omni-
no sit verendum, ne ex ea, quam affecit, parte, opinio-
ne celerius in reliquas omnes se diffundat, nisi in tem-
pore seriâ eidem occurratur providentiâ. Sunt adhuc
semperque erunt, annuente DEO, plures genuini *anti-
quorum Pruthenorum* Eorundemque Virtutum Hære-
des, qui avitum in Patriam amorem servantes peculiaria
sua Jura cum aliis planè diversis confundi atque tandem
per hæc subverti minimè patientur. Spes est Eosdem,
quoties alicui Suorum Con-Statuum injuriam inferri
animadverterint, haud secus ac in Corpore humano
sanguis ex membro sincero in læsum trahitur, adjutores


M

ejus-

eiusdem exstitorios. Plurima certè & præclara Sancita & Lauda Provinciæ Iphis obversantur, quorum vigore nec illorum respectu, qui Tribunalium Polonicorum Jurisdictioni se submisere, Constitutiones Provinciæ negligendæ, vel etiam Tribunalitiorum Decretorum Executiones per Copias extra Provinciæ ambitum contractas suscipiendæ sunt, quin potius cunctis Illustrissimis Dominis Provinciæ Palatinis, ut & Equestri Ordini commissum, ut ausibus ejusmodi se opponant, atque præstantissima Sua Jura & Immunitates vindicent. Certissima inde surgit fiducia, Eosdem tanto magis intuitu *Civitatum Pruthenicarum*, quas Ipsi non minus ac Majores Eorum Gloriosissimi pro optimis Statûs Sui fulcris & ornamentis semper habuerunt, & in posterum strenuè asserturos esse, quod toties hætenus agnoverunt & defenderunt, Easdem nempe Civitates minimè dictis Tribunalibus; sed unicè Sacræ Regiæ Majestati Ejusque propriis Regiis Judiciis subjectas esse & subjici debere. Sed singulariter quoque *Lauda Annorum 1712. & 1713. supra allegata* Opus sunt totius Provinciæ, undè & originem & auctoritatem habent. Illorum proinde violatio atque convulsio, quæ Civitati jam acerbis adeo querimonias exprimit, universæ Provinciæ Dignitatem quin afficiat, dubium non est.

In Exteris Potestatibus cumprimis Illis, cum quarum Regnorum & Provinciarum incremento vel decremento conservatio vel oppressio Immunitatum Civitatis Gedanensis omnium maxime conjuncta est, firma
spes

spes reponitur, Easdem, cum fundamentum veramq; indolem casus adversi, qui Civitati dictæ obtigit, ex præsentis sinceræ expositionis tenore pro consummatissimo Suo Judicio pensitaverint, Gratosissimum & Gratosum Affectum quo sæpe memoratam Civitatem hætenus, dignatæ sunt, quemq; eadem gratisimis veneratur ac prædicat pectoribus, & in posterum indulturas esse, Summo Suo plurimumque valente intercessu plurium & majorum perplexitatum pericula prævertendo, & quam efficacissime asserendo Civitati Tranquillitatem juxta ac Usurum & Immunitatum, quæ essentiam ejus, &, si ita loqui ac scribere fas est, animam Politici ejus Corporis constituunt, quibus dissolutis fieri nequit, quin concidat atque intereat.



No. I.

LAUDUM,

Manifestationis contra Contributiones sine Statibus & Ordinibus in Præjudicium Terrarum indictas.

Nos Status & Ordines Terrarum Prussiæ in Conventu Generali Ante-Comitiali congregati Universis & Singulis præsentium notitiam habituris, notum testatumque facimus; Posteaquam Contributiones graves contra antiquam Praxin, normam ac formam contribuendi, tam præteritis quam præsentis annis sine Conventu publico, sine Nobis in Nos, non convocatis Statibus & Ordinibus Terrarum Prussiæ, imò in

Earum & Civitatum summam oppressionem positæ, earumque Executiones militari manu propriâ instituuntur auctoritate, proinde consulendo indemnitati Jurium & Consuetudinum Terrarum ac Civitatum *contra indictionem earundem* modo de Jure firmissimo protestamur, *omnino volentes, ne in posterum ullâ ratione, in sequelam indebitus hic modus trahatur, sed memoria ejus salvâ calculatione ratione extortarum Summarum penitus aboleatur.* In præmissorum fidem Sigillum harum Terrarum hisce subappressum est. Actum & datum Graudenti in Conventu Generali Ante-Comitali Terrarum Prussiæ die 5. Mensis Aprilis Anno 1712.

No. 2.

LAUDUM.

Institutionis Commissionis Thesauri Terrarum Prussiæ, & Denominationis DD. Commissariorum.

NOs Status & Ordines Terrarum Prussiæ in Conventu Generali Ante-Comitali congregati Universis & Singulis præsentium noticiam habituris notum testatumque facimus; Quoniam circa Contributionum in Terris Prussiæ exactionem Eædem varia hucusque damna & præjudicia patiuntur; proinde præsentibus instituimus Commissionem Thesauri, utq; juxta praxin antiquam Starogardiæ cum facultate limitandi instituatur, decernimus; Quem in finem Præsidentem hujus Commissionis ex Senatorio Ordine denominamus

namus Illustrissimum Dominum Joannem Chryso-
 mum Czapski, Castellatum Elbingensem, Commissa-
 rios verò &c. (sequuntur Nomina Dominorum Commissario-
 rum.) Qui Illustres, Magnifici & Generosi D.D. Com-
 missarii in præsentia Illustrissimi Thesaurarii Terrarum
 Prusiae, ubi die 17. Octobris Anno præsentis Starogar-
 diam condescendent, fundata Jurisdictione Commissio-
 nali suâ, aliisque juxta antiquam praxin peractis Solenni-
 tatibus, ante omnia tam antiquarum, quam recentius
 laudatarum in Conventibus Generalibus & ubivis quo-
 cunque tempore & loco Contributionum, à Generosis
 Exactoribus eorumque Successoribus, quibus compa-
 rendi pro eodem termino terminum præfigimus perem-
 ptorium, sub rigore poenarum in Legibus descriptarum,
 actualiter quocunque modo receptarum debitam facient
 investigationem; *tum etiam ex designatis Neoburgi aliis-
 que privatâ auctoritate & quocunque nomine impositis
 & realiter exactis Contributionibus exigent calculum,*
 super retentoribus verò tam in Palatinatibus quam in
 Districtibus Terrarum harum earundem Contributio-
 num *communi omnium Statuum & Ordinum assensu* lau-
 datarum id, quod Juris erit, decernent, aliaque in talibus
 fieri solita antiquarum similium Commissionum more
 statuent & exequentur. In præmissorum fidem Sigillum
 harum Terrarum hisce sub appressum est. Actum &
 Datum Graudenti in Conventu Generali Ante-Comitali
 Terrarum Prusiae die 5. Mensis Aprilis Anno 1712.

No. 3.

LAUDUM,

Manifestationis & Præ-Custoditionis contra Contributiones sine Statibus & Ordinibus in Præjudicium Terrarum ac Civitatum indictas & extortas.

Nos Status & Ordines Terrarum Prussiæ in Conventu Generali Mariæburgi congregati, Universis & singulis quorum interest notum testatumque facimus: Quandoquidem post elapsum Contributionum in Conventu Generali Mariæburgi d. 7. Decembr. An. 1700. legitimè laudatarum terminum, non tantum *Congressus quidam in hac Provincia, privata Auctoritate instituti, ibidemque Contributiones indictæ, ac postmodum ab iis quoque, qui nec præsentis fuerunt, sed aliis etiam præterea prætextibus Contributiones graves contra antiquam Praxin, Normam & formam contribuendi, intra elapsum proximè triennium sine Conventu publico sine Nobis in Nos non convocatis Statibus & Ordinibus Terrarum Prussiæ imò in Earum & Civitatum summam oppressionem positæ, earumque executiones militari manu propria institutæ fuerunt auctoritate: Proinde consulendo indemnitati Jurium & Consuetudinum Terrarum & Civitatum contra omnes privata auctoritate habitos Congressus, utpote ipso Jure nullos & invalidos, & contra omnes Contributionum sine Conventu Generali indictiones, modo de jure firmissimo protestamur, omninò volentes ne impofterum ulla ratione in sequ-*

quelam indebiti hi consultandi & contribuendi modi trahantur, sed memoria eorum, salva Summarum extortarum in Usus Provinciae Calculatione, & Earundem omnimeliori, quo fieri poterit, modo, repetitione, penitus aboleatur; Sancientes insuper ut impofterum Assignationes ratione solvendarum in hac Provincia Contributionum à Nemine alio quam à solo Illustrissimo & Excellentissimo Domino Thesaurario Terrarum Prussiae, & ab hoc de nullis aliis, quam unanimi consensu in Conventu Generali laudatis & jam collectis Contributionibus extradantur, & sicubi fortè Assignationes aliae vel aliter extradantur pro nullis & illegitimis habeantur. Si verò aliqui praesumpserint Assignationum indebitarum Executionem in Terris aut Civitatibus suscipere, Illustrissimos & Excellentissimos Dominos harum Terrarum Palatinos serio obligamus, ut in omnem eventum mota etiam Nobilitate ejusmodi contravenientes coerceant & reprimant. In praemisorum fidem Sigillum harum Terrarum hisce subappressum est. Actum & datum Mariæburgi in Conventu Generali d. 22. Mensis Maij. Anno 1713.

No. 4.

LAUDUM.

Doni gratuiti, Quietationis & Praecustoditionis Civitatis Gedanensis.

NOs Status & Ordines Terrarum Prussiae in Conventu Generali Mariæburgi congregati Universis & Singulis, quorum interest, notum testatumque facimus. Posteaquam turbato hoc rerum Sta-

tu per aliquot retrò annos nullæ ad solvenda Exercitui Regni stipendia legitimè in Conventu Generali Terrarum laudatæ fuerunt Contributiones, nihilominus tam à Bonis Terreſtribus, Regalibus & Spiritualibus, quam à plerisque Civitatibus *per varios Furibus Libertati & Praxi Provinciæ hujus non consentaneos modos* ingentes pecuniarum Summæ fuerunt exactæ, & pro solvendis militi Regni stipendiis ad *emanatas indebitè Aſſignationes* extraditæ, Civitas interim Gedanensis a vitis Provinciæ pariter ac sibi propriis Juribus D E O adjuvante insisterendo, memoratis stipendiorum flagitationibus satisfacere constanter recusavit, cum quia nulli Contributionum à Statibus & Ordinibus Terrarum Prusiæ in Conventu Generali Sancitarum Laudo fuerunt innixæ, tum quia ipsa anterioribus semper bellorum temporibus exemptione ab omnibus, utut legitimè laudatis Contributionibus, auctoritate publica Laudorum gavisæ est, nuncque pariter immensos in numerosissimum præsidium pro Conservatione sua, universæ Provinciæ & Reipublicæ proficuâ, erogare sumptus necesse habuit, jam autem sincerum suum ad sublevandas Provinciæ hujus necessitates studium luculento testatura documento, non tamen quicquam pristinæ à solvendis tempore belli Contributionibus immunitati præjudicando *neque ullam compensationis subeundo rationem, liberâ ac spontaneâ voluntate,* in vim *Doni gratuiti,* ad centum & octodecim Accisas, quamlibet Accisam duobus solidis de quovis modio brassæ æstimando, quæ per ratas infra designandas colligentur, sub Conditionibus hic exprimendis, per Nobilem Dominum Internuncium suum in præſenti Conventu Generali comparentem sese obtulit: Proindè exhibitum hunc

hunc Civitatis Gedanensis affectum oblatasque in vim
 Doni Gratuiti Centum & octodecim Accisas pronis ani-
 mis accipimus, & ut pecuniæ ex Accisis illis provenien-
 tes per Illustrissimum & Excellentissimum Dominum
 Thesaurarium harum Terrarum ad solvenda Exercitui
 Regni stipendia destinentur statuimus, *Civitatem insu-
 per Gedanensem de omnibus omnino prætensionibus, qua
 ratione pecuniarum ab aliis Provincia incolis, pro Exerci-
 tus Regni stipendiis, sive prænumerationis, sive alio quo-
 cunque titulo vel modo hucusque solutarum, adversus ipsam
 excogitari possent, plenissime liberamus & quietamus, ac
 tandem firmissimè præcavemus, non tantum spontane-
 am hanc Donationem sæpè memoratæ Civitati nulli un-
 quam fore præjudicio, sed etiam has ipsas Centum &
 Octodecim Accisas, pariterque reliquas ex Laudo Con-
 tributionis in præsentì Conventu Generali sancito pro-
 venientes quinquaginta novem & viginti octo Accisas,
 ab eo statim momento in Civitate eadem currere non
 debere, neque postmodum ab illa quocunque prætextu
 exigendas esse, simul ac, quod DEUS avertat, milites
 seu externi, seu Regni aut Provinciæ hujus Domestici,
 Civitati Illi Ejusdemve Territorio, sive pecuniarum, si-
 ve stationum, sive annonæ, sive transitus, sive alio quo-
 vis titulo graves esse cœperint, & quicquam exegerint.
 Colligentur verò sub modo dictis Conditionibus me-
 moratæ centum & octodecim Accisæ per Ratas quinq;.
 Prima Rata Accisarum numero octodecim incipiet à 1.
 Januarii anni proximè venturi 1714. curretque per inte-
 grum annum. Secunda Rata numero viginti quinque
 incipiet à 1. Januarii 1715. & per integrum annum cur-
 ret. Tertia Rata numero viginti quinque incipiet à 1.*

Januarii 1716. & curret per integrum Annum. Quarta Rata numero viginti quinque incipiet à 1. Januarii Anni 1717. curretque per Annum integrum. Quinta Rata numero viginti quinque incipiet à 1. Januarii Anni 1718. pariterque per integrum curret annum. In præmissorum fidem Sigillum harum Terrarum hiscè subappressum est. Actum & datum Mariæburgi in Conventu Generali die vigesima secunda Mensis Maji. Anno 1713.

No. 5.

LAUDUM,

Conquirendæ ad fidem publicam
pecuniæ.

NOs Status & Ordines Terrarum Prussiæ Mariæburgi in Conventu Generali congregati Universis & Singulis præsentium notitiam habituris notum testatumq; facimus: Cum in moderno Conventu non tantum certam Contributionem laudaverimus, sed & à Civitate Gedanensi *Donum* aliquod *Gratuitum* intercesserit, & verò ex utroque Capite *tam prompta Collectio* pecuniarum fieri nequeat, quantam quidem præsentium temporum necessitates requirunt; Proinde inhærendo utrique Laudo Contributionis, & Doni Gratuiti Civitatis Gedanensis, Illustrissimo & Excellentissimo Domino Palatino Culmensi, *Thesaurario Terrarum Prussiæ*, Auctoritate præsentis Conventus facultatem dedimus *conquirendarum & accipiendarum mutuo in fidem Provinciæ publicæ pecuniarum, ad proportionem tam in præteritum quàm ad præsens laudatarum*

rum Contributionum, salvâ tamen provisione. Quas sic in fidem publicam conquistatas Summas, Idem Illustrissimus & Excellentissimus Dominus Thesaurarius, ex Contributionibus & Dono Gratuito, prout utrumque collectum fuerit, in Thesaurum inferendis, unâ cum Provisionibus ducta Proportionem temporis solvere curâ habiturus est. In præmissorum fidem Sigillum harum Terrarum hisce subappressum est. Actum & datum Mariæburgi in Conventu Generali d. 22. Mensis Maji. Anno 1713.

No. 6.

Illustrissime, &c. &c.

QUæ Illustrissimæ Excellentiae Vestrae ratione certæ contra Civitatem hanc formatæ prætensionis, summam quadraginta millium florenorum efficientis, expeditis de data Varsaviae nonâ mensis præsentis die literis, Præ Nobili Domino Carolo Ernesto Bauer, pro tempore Regio Burggrabio, Collegæ Nostro dilectissimo, exponere placuit, factâ nobis ab Eodem relatione plenius cognovimus. Cùm verò præter spem omnem atque expectationem intellexerimus, mentem Illustrissimæ Excellentiae Vestrae à genuinâ rei hujus conditione nimium quantum distare, svadet necessitas, ut cum Illustrissimæ Excellentiae Vestrae veniâ, sinceram præsentemque negotii hujus rationem, uti hætenus coram sæpissimè, ita nunc denuò, eo, quo par est, observantiæ cultu, perspicacissimo Illu-

strisimæ Excellentia Vestrae judicio offeramus. Non
 possunt non Illustrisimæ Excellentia Vestrae esse no-
 tissima, quæ in Generali Terrarum Prussiae Conventu
 Anno 1713. d. 22. mensis Maji Mariæburgi cele-
 brato, intuitu Contributionum ab universâ hâc Provin-
 cia publicis Laudis sancita fuere, imprimis quod ad Ci-
 vitatem hanc specialius attinet, quæ præter 87. Accisas,
 ad quas ratione eorum, quæ ab Equestri Ordine lau-
 data fuerunt, sese obligavit, in vim Doni Gra-
 tuiti alias centum & octodecim Accisas, atque hâc
 ratione 205. Accisarum Summam, cujus exemplum an-
 teriora non dederant tempora, in se suscepit, adq; eas in-
 trà sexennium, prout collectæ fuerint, Thesauro Pruthe-
 nico inferendas sese obstrinxit. Expresse verò præca-
 vit, sicubi ipsa, vel bona ejus Patrimonialia, ullas à qui-
 buscunque Copiis paterentur molestias, Cursum harum
 Accisarum extemplo sistendum fore. Quod ipsum
 Equestris pariter Ordo suam in rem sibi tunc stipulatus
 est. Quamvis verò habito respectu, quod Miles Regni
 paratiori nummo indigeret, nec finem sex annorum aut
 interea sensim colligendas pecunias expectare posset, Pro-
 vincia consenserit, ut pro laudatis Contributionibus Nu-
 meratio quædam in antecessum, quam Prænumeratam
 vocant, apud privatos cum stipulatione usurarum quæ-
 reretur, & prout ex Accisis quid collectum foret, re-
 funderetur, harum tamen conquirendarum pecunia-
 rum cura nullatenus uni vel alteri hujus Provinciæ Civi-
 tati, atque adeò nec Gedanensi, sed solùm ex antiquissi-
 ma consuetudine, Provinciæ hujus Domino Thesau-
 rario imposita fuit, utpote cui disertissima Laudi verba,
Facultatem NB. conquirendarum & accipiendarum mu-

tuò in fidem Provinciæ publicam pecuniarum N^B. ad proportionem laudatarum Contributionum tribuerunt. Undè extrà controversiam planè omnem positum est, partim Civitatem hanc, ob onera militaria, gravissimasque, quas territorium ejusdem variè toleravit hospitatio- nes, Accisarum istarum cursum optimo jure sistere po- tuisse, partim, cum habitâ boni publici consideratione, ex affectu planè singulari id tamen non fecerit, saltem plura ab eâdem postulare haud licuisse, quam ut solu- tionem quadringentorum illorum millium florenorum, quos ad Assignationes Thesauri Prusiæ, ratione Acci- sarum modò dictarum, in se suscepit, prout ex braseo per braxatores penduntur, extraderet. Lubeat itaque Illustrissimæ Excellentie Vestræ, gratiosissime recordari, quam expressis omninò verbis Deputati nostri in Col- loquiis Anno 1713. Mariæburgi æque ac hic loci cum Senatoribus hujus Provinciæ institutis caverint, *ne Præ- numerata illa Civitati huic ullo modo gravis fieret, &* quam certa Eisdem fides fuerit data, non defuturos pri- vatos, qui, quamprimum Summa, quæ postea, uti di- ctum, publico Laudo sancita est, a Deputatis nostris de- clarata foret, in antecessum eandem repræsentaturi es- sent. Nihilo secius Civitas propriâ potissimum operâ, eo rem promovit, ut trecenta circiter florenorum millia, eum in modum sint numerata, quorum pars insignis jam Illustrissimæ Excellentie Vestræ cesit, & residu- um aliquot magnæ Dignitatis nominibus inscriptum, at- que integrâ quadringentorum millium florenorum Summâ comprehensum, ut ordo tulerit, expectandum superest. Atque hic verus atque genuinus rei hujus est Status, quatenus idem ex Laudis publicis Conventus

Generalis Anni 1713. & à nobis circa eadem observatis, deduci atque explicari potest. Cum verò animadvertamus Illustrissimam Excellentiam Vestram ad specialem quandam Sibi à Nobis datam declarationem promissionemque provocare, vigore cujus reliqua quadraginta florenorum millia à nobis suppeditanda sint, lubentes agnoscimus, propter quàm plurimas easdemque gravissimas, in quibus Illustrissima Excellentia Veltra pro Salute publica hoc tempore occupatur, curas, Eidem integrum haut esse, omnium, quæ nobiscum conferre dignata est, nexum memoriâ servare, atque idcirco hujus pariter negotii summa capita, pace Illustrissimæ Excellentiae Veltræ observantissimè exponenda suscipimus. Quippe constantissimi nuntii Illustrissimum atq; Excellentissimum Dominum Supremum Exercituum Regni Ducem, non attentis rationibus à nobis evidentissimè expositis, firmiter persuasum sibi habere, quod Civitas hæc Obligationi ex Laudis sæpediti Conventus Generalis sibi incumbenti satisfacere negligat, Nos commoverant, ut mense Martio hujus anni Illustrissimam Excellentiam Vestram hic præsentem conveniremus, Ejusdemque gratiosissimam opem in hac causâ imploraremus. Fuit etiam nobis celebranda Illustrissimæ Excellentiae Veltræ æquanimitas, Deputatis nostris die 14. ejusdem Mensis benevolè significantis, agnoscere *Se nihil à Civitate hac intuitu Laudorum præter definitum iisdem Accisarum cursum exigi posse, & Summam quadringentorum octoginta millium florenorum ab Eâdem prætenso- rum ejus nomine nunquam fuisse promissam, sed errorem in eo latere, quod assignatis in Civitatem pro Exercitu Regni tot Accisis, unius simplicis Accisæ aestimatio justum*

cal-

*calculum nimis exceſſerit, atque Illuſtriſſimam Excellen-
tiam Veſtram pro munere Suo Senatorio Fura Provin-
ciae tuituram nihilque contra Civitatem ſuſcepturam eſſe.*
Placuit verò poſtea Illuſtriſſimæ Excellentia Veſtræ ul-
tra acceptata quadringenta millia florenorum adhuc
octoginta florenorum millia iſtantiſſimè à nobis urgere,
& cum ex parte Noſtrâ expoſitum eſſet, Provinciam
hanc nunquam in majorem pecuniarum quantitatem,
nec aliam earundem reſtitutionem conſenſiſſe, quam
quæ ex Contributionibus Laudo publico indiſtis pro-
ventura eſſet, & teſtari præterea experientiam, quod in-
tra biennium proximè elapſum, vix quarta pars memo-
ratarum Aſſignationum relui potuerit, adeoque ſperan-
dum non eſſe, repertum iri privatos, qui plurium pe-
cuniarum mutuum in ſe ſuſciperent. Illuſtriſſima Ex-
cellentia Veſtra equidem inſtitit, ut minimum *quadragin-
ta millia florenorum ad ſatiſfaciendum Illuſtriſſimo atque
Excellentiſſimo Domino Supremo Exercituum Regni Duci*
ſuppeditarentur, utque prænumeratio eorum promove-
retur, promiſſus fuit ab Illuſtriſſima Excellentia Ve-
ſtra Generalis Terrarum Prusiæ Conventus, Regio
conſenſu per Eandem impetrando, propediem inſtituen-
dus, ubi tot Contributiones ritè ſciſci, & poſt exſpira-
tionem ſexennii, curſui Acciſarum Anno 1713. decre-
tarum præfixi, initium capere deberent, quot ad ſupplen-
dum defectum circa ultimas, ex cauſis ſupra indicatis,
obſervatum ſufficerent. Nos autem, quæ obſtabant &
conſiderari merebantur, dubia varia, ut par fuit expo-
ſuimus, atque cum obtinere non potuiſſemus ut, quæ
à nobis prænumerandæ deſiderabantur Summæ, ad Ge-
neralem illum Terrarum Prusiæ Conventum, ab Illu-

strissima Excellentia Vestra propositum, remitterentur,
 tandem declaravimus, operam omnem à nobis præsti-
 tum iri, ut privati ad prænumerationem quadraginta
 millium florenorum persvaderi possent. Cujus rei pro-
 movendæ causâ, nostris Accisarum Præfectis commiseram-
 mus, ut exhibitâ Suæ instructionis formulâ Creditores
 redderent certiores, curæ fore Civitati huic cum reliquis
 Provinciæ Ordinibus, in Generali Terrarum Prussiæ
 Conventu, ex promisso Illustrissimæ Excellentiae Ve-
 stræ propediem obtinendo, ut tot sancirentur Accisæ,
 quot opus adhuc esset, ad refundenda, tum quæ intuitu
 Accisarum, vigore Laudorum Anni 1713. hîc loci cur-
 rentium, maximâ jam ex parte in antecessum numerata
 essent quadraginta florenorum millia, tum quoque qua-
 draginta illa millia florenorum ad fidem publicam reci-
 pienda, utque privati, ultimum dictæ Summæ mutuum
 præstituri, anteriores Creditores quadringentorum milli-
 um florenorum ordine proximo sequerentur, atque ex
 noviter ita institutis Accisis solutionem acciperent. Qui-
 bus expressè adjecimus, spe indubiâ Nos niti, Illustrissi-
 mam Excellentiam Vestram nobis haut fore imputatu-
 ram, si fortè nec hac ratione scopus desideratus obtineri
 posset, sed benevolâ potius ope sua præpedituram, ne
 inde Civitas hæc ullo modo aut prætextu cuiquam mo-
 lestiæ involveretur. Quæ Declaratio distinctis verbis
 scripto exposita, per Præ-Nobilem Dominum Præsidem
 hujus Civitatis cum Illustrissimæ Excellentiae Vestræ
 Secretario Treiber d. 3. mensis Junii hujusce Anni com-
 municata, ipsique præsentem uno ex Secretariis Nostris
 prælecta fuit. Habemus etiam nobis persvasissimum,
 neminem nominari posse, qui Nostro nomine præterea
 quic-

quicquam ullo tempore promiserit, quod ipsum ne in Nostra quidem potestate positum fuisset. Quemadmodum verò ex suprà adductis genuinæ omnium, quæ hæc in Causâ inter Illustrissimam Excellentiam Vestram atque Nos acta sunt, circumstantiæ constant, & nisi vereremur esse molesti, plurimis aliis argumentis probari posset, Ipsam Illustrissimam Excellentiam Vestram pro comperto habuisse, quod præter omnem, quæ proficisci à nobis potuit, operam, ad aliud quidpiam præstandum nullatenus nos obligaverimus, multo minus eventum aliquem in Nos susceperimus: Ita quoque obligationi Nostræ, quantum in nobis fuit, seriò atque sincerè satisfecimus, studiisque & officiis Nostris indefessis eo rem deduxeramus, ut adessent jam privati, mediam circiter partem desideratorum ab Illustrissima Excellentia Vestra quadraginta millium florenorum mutuam sub conditionibus præfatis daturi. Quod verò Illustrissimæ Excellentiae Vestræ Secretarius pecunias istas sæpius oblatas pro Eadem recipere detrectavit, atque interea, tum illi, qui in antecessum eas numerare parati jam erant, hoc rerum statu, quo haut facile aliquis pecunias suas otiosas & sine fructu detinet, sed præsertim hoc anni tempore quam fieri optimè & citissimè potest, commerciis impendit, consultum ulterius non duxerunt, in ambiguo versari, utrum easdem modo suprafato erogare possent, partim alii, quibus forte adhuc ad mutuum aliquod præstandum animus fuisset, in eo obicem invenerunt, quod Generalis cujuspiam in Provinciâ hæc Conventus, qui omnis Conventionis fundamentum esse, & minimum proximo mense Augusto effectum sortiri debuerat, nulla spes appareret: Hæc omnia profecto ut mutarentur supra vires Nostras fuit, nec proindè etiam Nobis ab Illustrissimâ Excellentia Vestra imputabuntur. Quin po-

tius indubii, & omnis, quæ Nos decet, reverentiæ pleni
 confidimus, Illustrissimam Excellentiam Vestram, per-
 pensa gratiosissimè verâ rei hujus indole, non solum ju-
 stissimo suo testimonio asserturam esse, quod in subsidi-
 um Exercitus Regni, ac communis necessitatis, ab ipso
 initio, statim, plura longè, quàm per Lauda Provin-
 ciæ publicæ posci à nobis potuerunt, contulerimus,
 quodque porrò ad hæc usque tempora ne in minima
 quidem parte à gratuitis promissis Nostris recesserimus;
 Verùm etiam conceptam omnem adversus Nos opinio-
 nem sinistramque interpretationem aliorum, tam effica-
 citer diluere dignaturam esse, nihi ut sit reliquum, unde
 difficultates aliquæ nasci possint, quarum authoribus ra-
 tio reddenda foret eventuum, quos habitura esset extor-
 ta præter votum Civitati huic, de nullâ re magis quàm de
 conservandâ tantoperè necessariâ concordia & tranquilli-
 tate sollicitæ, Defensio justissimæ suæ Deoque & Orbi
 universo probatissimæ causæ, certe in præsentium tem-
 porum ambiguis, diversa plane svadentibus, ad provocan-
 da exterorum judicia uberem materiam præbitura. Di-
 gnata est sæpius Illustrissima Excellentia Vestra gratio-
 sissimi sui affectus Nos facere certiores, Nosque hoc in-
 primis, quod nunc submississimis precibus rogamus,
 pro exploratissimo Ejusdem gratiæ argumento venera-
 turi, & quâvis occasione comprobaturi sumus, quanto
 zelo in id incumbere constituerimus, ut perpetim Sum-
 mo Illustrissimæ Excellentiae Vestrae Patrocinio fruamur.
 Datum Gedani d. 17. Julii Anno 1715.

Inscriptio.

*Illustrissimo & Excellentissimo Domino, Dn. Jacobo Sigis-
 mundo in Ribno Ribinski, Palatino Culmensi, Generali
 Rei Tormentariæ Regni Poloniae Præfecto, Capitaneo
 Schonseen: Lepinscen: etc. etc. Domino Gratiosissimo.*

No. 7.

Præ-Nobiles &c. &c.

CUM pro faciliore satisfactione Illustrissimi atque Excellentissimi Domini Supremi Exercituum Regni Ducis, æque ac militis Reipublicæ, ad rationem residuarum apud Civitatem Gedanensem Accisarum, prout Anno 1713. Laudo publico sancitæ fuerunt, Illustrissimo atque Excellentissimo Domino Generali Campi Mareschallo, Comiti de Fleming, Assignationes *Summam quadraginta millium florenorum monetæ Pruthenicæ efficientes* extradiderim, mihi que ab altè dicto Illustrissimo atque Excellentissimo Domino Generali Campi Mareschallo, *similis Summæ solutio jam præstita sit*, intermittere nolui, quin Præ Nobilibus Dominationibus Vestris id notum facerem. Proinde Præ-Nobiles Dominationes Vestras officiose rogo, velint vicissim acceptationem & solutionem præfatarum Assignationum curare. Coëterùm certo sibi persvadeant, me quâvis occasione testaturum, quam sincero affectu sim


Præ Nobil. Dominationum Vestrarum


Varſaviæ d. 6. Aug.
1715.

ad officia paratissimus
J. S. Ribinskj.

Errata.

- Pag. 2, lin. 8. leg. plenissime
— ead. post lin. ult. loco hanc leg. ratio
— 9. lin. 8. leg. Provinciæ
— 11. lin. 1. loco gaudentes leg. dentes
— 12. lin. 4. leg. reprimerent
— 15. lin. 10. leg. consensione
— 24. lin. 8. leg. relinquentes
— 51. lin. 4. leg. Illustrissimum





Biblioteka Jagiellońska



stdr0024650

